



蓋聞皇娥既邈韻不唱夫璇宮穆滿云遙歌未傳于瑤
島月中桂樹羽士難逢源裏桃花漁郎安在天上乏驂
鸞之客人間無吐鳳之傳迨至庾開府仗清新之氣郭
景純用雋上之才開生面于青宮奪夜光于元圃然而
辭多感慨同坎壈之詠懷調本輕澹非列仙之本趣難
匹休乎子建終見笑于鍾嶸仙詠難工由來久已厲先
生太鴻者玉皇香吏暫謫塵寰碧落侍郎僑居瀛海朱
异賦弓之歲便解操觚蘭成射策之年卽聞染翰琅玕
披腹門無題鳳之賓珠玉爲心座有解龜之賞一九飛
藥逢璋瑞于西山九節菖蒲邁商邱于北海東華公子
舊是相知南嶽夫人新爲結客疑神濯魄原無俟于冰

樊樹山房集

游仙百詠祝序

一

壺洗髓伐毛亦何須于紫水乃瓊霄有路閩苑多歧既
非感遇之劉楨詎作嫉邪之趙壹聊寄懷于元遠遂託
詠于遊仙數凡三百謝家胡蝶之篇字過八千倪氏梅
花之製洞中蕊簡始足揮毫海上珊瑚差堪架筆月穿
高樹依蘿戶以敲金風度碧天傍雲窗而夏玉江花滿
篋種由瓊草之田潘錦連箱裁作流霞之帔行間冰雪
噴來卽是元霜腕底蛟螭瀉出何殊碧海笑驅素豹盤
桓墨椀之中怒逐朱龍游戲硯池之側崑崙裊裊不用
支筇煙渚茫茫何須買舶苔牋十幅俄成王屋之峯湘
帙一函都是蓬萊之島以神仙爲輸寫借文翰爲遨遊
可謂盡名士之才情極仙人之本色者矣僕與先生雲

霞意氣泉石投交架上琅函共讀通明之卷籬邊黃菊
曾傾陶令之杯風義平生兼之師友相逢今日示以瓊
瑤擊節三終何惜玉壺之缺披吟數過恍登銀闕之遙
攜來市上誰不購以千金若在牀頭人自函其一部斥
曹唐於下座誰曰不宜坐何劭于廡閒僉云允稱至尊
相對聊當醺醖之漿浣手高吟除是薔薇之露書藏二
酉何用秣稊紙貴三都宵關元宴爰等茲于弁髦敢用
是爲前驅謹序弟杭世駿拜撰

樊榭山房集

游仙百詠杭序

二

杭序

柏梁臺上曾傳五岳之圖金馬署中亦著十洲之記龍
師與魚吏俱升桂父偕茅君共舉游戲紫清之上翺翔
碧落之中桐峯梓瑟倚歌而和皇娥湘水瑤琴彈曲而
迎帝子玄雲新韻久唱璇宮黃竹舊詞猶留瀛島樂哉
仙乎斯其至矣然而東海棗花空憶齊侯之語西池桃
核莫延漢帝之年是則塵緣未斷人間烟路遂遙天上
乃有抽思幽祕發藻鮮妍翦月爲心鏤霞作想雲君太
乙體雖誕而不刪佚女羽人意似夸而有取參軍調逸
爰咏升天之篇子建才高遂有步虛之作至於宏農之
始倡實爲屈子之餘波事雖寄于遊仙情則等於感遇
後有作者咸步趨焉此皆天情騰蹕清思雕華淹躋窮

途漂搖愁境排雲闔闔思翻玉女之壺追日虞淵欲繫
羲和之轡塵迷赤縣將晞髮于滄溟唾棄齊州擬伐毛
于紫水句飛蘭露滴盡金壺紙疊桃花噴成繡字洞天
福地之勝常以神遊銀臺瓊闕之間奚勞氣馭誠可謂
揮斤八極逍遙九垓者矣僕無凌雲之才有餐霞之癖
懶如中散論或託于養生貧似稚川書未傳夫抱朴山
居長嘯偶有遐心蘿戶高吟遂多逸興身非脈望何曾
三食琅函腹鞠通安得一滄墨海譬彼學仙項曼詭
言渴飲流霞好道長源詐說餽來玉液但以俗緣羈絀
塵網攪纏與其作白眼以看人何如問青天而搔首於
是效曠郭璞學步曹唐前後所爲數凡三百瑤臺夢破

喚起飛瓊洛浦舟。迴拾殘翠羽。曾無當于風雅。亦見攢
于莊騷。持贈何堪。自娛而已。時當朱明。屆節白日舒長。
何方避暑。玄冰飛雪之丸。無計迎涼。鶴羽龍皮之扇。襞
牋雪案。豈窺大酉之書。滌筆冰甌。聊當龜茲之枕。康熙
癸巳季夏八日。錢塘厲鶚題于寄圃之半舫齋。

樊榭山房集

游仙百詠自序

四

自序

樊榭山房集外詩

錢唐馮墨鶚太鴻

游仙百詠有序

游仙詩自晉郭景純倡之逮唐曹堯賓明馬鶴松連
篇累牘奇豔可誦予閒居寡歡偶爾綴韻輒成百章
大要游思嚙語雜以感慨玉茗先生所謂事之所無
安知非情之所有者也且靈均作騷尚託于雲中君
湘夫人其亦庶幾不悖作者之意乎有好事者出而
讀之詞雖不工聊當龜茲一覺云爾康熙庚寅六月
樊榭山人自題

要寫三山星子詞

樊榭山房集 游仙百詠上

東華南嶽笑相邀笙鶴時聞下沈寥月裏忽驚青鳳舞
坐中誰弄九靈簫
入水閒乘赤鯉魚具區秋淨接空虛橫吹煙竹包山裂
待與龍威索素書
鶴背霞光縹渺生乘風御氣滿天行丈人笑指前頭去
不到青城到赤城
小童汲水煮金芽藥徑松蹊仙子家只恐無端賺劉阮
洞門不許種桃花
石橋跨澗水鄰鄰白草青芝遠世塵林屋洞中無甲子
一朝天后不知春

瑤池仙史許飛瓊阿母傳呼到玉京龍月城中親采進
黃中朱李字分明

散仙自有玉樓才點石爲金數未該欲買鏡湖山一半
黃妃許借聘錢來

元圃年年發異葩折來笑向媚蘭誇金莖琪樹同千歲
不是人間短命花

雲霞空裏擁旌旄多謝金妃賜絳桃歸到洞天纔日午
青童聞曬赤霜袍

絕澗高峯斷白雲清風爲佩織煙裙玉笙吹落桃花月
萬壑千厓人不聞

綸巾羽扇綠蕉衫懶把高風混俗凡雲笈錦函都讀遍

幾時同到積書巖

碧谿半繞玉莎斜處處春雲處處花笑問羅天香發未
侍兒齊候白鸞車

紅雲樓閣迴崔嵬虎豹天關晝洞開昨進下方求雨疏
紫清敕遣鐵車雷

靈藥葫蘆慣繫腰醉歸時有鶴相招罡風亦識飛仙過
扶住空中五色橋

絳節朝回下玉階紫雲盡繞素綾鞵洞天月暗歸何處
十六華陽金字牌

清虛標格自高寒弄罷瑤琴倚石闌螭髓麟脂都俗膩
胡麻爲飯菊爲餐

溟渤茫茫入望無半瓢身共水雲孤月明飛過驚龍睡
爲有瓶中煮海珠
霓佩霞衣拉伴遊玉真亦自愛風流金雞洞口何年遇
笑把桃花當蹇修
琪花翻落紫瓊林邀得羣真踏月來元碧酒醒天未曉
不知身卧醉仙臺
雕仙貌古似長松蒼鹿銜花兩兩從攜得一枝猿臂笛
隨風吹上幔亭峯
天風瀕洞玉虛寒一朵香雲舞彩鸞光碧堂中金母坐
峩峩不動九星冠
人閒睡覺總濛濛誰聽天雞叫碧空試向金臺山頂望

海波初湧日輪紅

楚樹山房集 海仙百詠上

三

九室雲開香篆飛珠簾朝卷雨霏微琉璃窗外低花影
知是煙霄降紫妃

芙蓉冠子紫煙衣一笑相逢跨鶴飛贈我鳳冠仙粟美
海山遊徧不知饑

翠河迴繞玉清鄉兩兩仙姬豢鳳皇無底筠籃何所有
琅玕花滿露華香

月映冰肌冷紫羅下觀五嶽翠嵯峩挹將斗柄歸瑤島
夜半清寒沈滢多

笑看海水浴金鴉穩駕文虬禮玉華八素元經親捧讀
碧琳字映曉天霞

長綿樓上冠朝霞靜倚雲窗萼綠華爲憶雙雙玉條脫
一時畱贈在羊家
河源天半盡雲濤同御長風興頗豪八鳳珠旂駐瑤圃
開尊不惜酌龍膏
玲瓏珠樹曉來青調笑梁清隔錦屏祇爲醉中疎禮數
天教罰作酒旗星
下界求仙不可憑豈知仙在最高層冥冥風雨颺輪過
遙指靈壇芳苒燈
月華碧藕浸冰壺玉戶瑤階赤日無自是蕉源清冷甚
何須更寫六壬符
霞綃雲帔是新裁曲曲仙源不易來昨向扶桑今日返

滿身青雪下瑤臺

樊榭山房集 游仙百詠上

四

清思逸藻入元虛半畝煙霞手自鋤何事玉皇猶未見
不收香案校文書

龍睛仙稻滿天倉粒粒珠璣夜有光不比水仙居澤國
秋來只采芡爲糧

翩翩白帝駕雲軒不見皇娥十萬年聞道別來滄海淺
雙眉依舊翦秋煙

紫琅殿裏讀黃庭不覺壺天夜色冥素紙枯來輕似雪
翦爲明月照雲屏

萬尺藤蘿蔽月明玉京洞口溼雲生山深并絕青猿叫
但聽波濤石裏鳴

司中上將守天關玉珮霓衣押兩班素女傳宣呼上殿
自稱臣住小蓬山醉飲仙人龍民類對與必將論
松濤瀨瀨響方壇桐柏山中六月寒巖下一泓清澈骨
夜深來浴碧霞丹雲臺峯下五劍巖仙人不置豎八梵
穿雲忽見聳峯巽同駕青蜺看沃焦滄海桑田非妄語
波濤萬古此中消蘇宮殿對心英寒札故都舊宮
崑崙瑤圃樂婆娑悔返驂事若何我欲閒乘希有鳥
來聽黃竹白雲歌
碧空千里映瑤林夜靜秋高爽籟深天柱峯頭好明月
不知人世雨涔涔
蜿蜒神物抱珠游欲摘明珠綴玉旒不用相求燒燕炙

樊榭山房集游仙百詠上

五

五雷頃刻卷靈湫

銀漢迢迢望轉賒當年空說客乘槎天孫夜靜調機杼
織出蓬萊五色霞

驅光逐景白霓衣游戲三山弱水飛蓮葉舟輕波渺渺
月中載得露華歸

仙府層城隔彩霞璇宮銀榜右英家麻姑昨遣青衣至
邀看唐昌玉藥花

黃籀爲冠白葛衫雲臺峯下石巉巖道人不惜還丹訣
示我囊中紫玉函

奇松危石轉山坳洞府何人踏月敲怪底夜深龍劍嘯
昨從鐵柱斬青蛟

廣寒清冷桂花香
搗藥丁東怨夜長
一曲霓裳原絕調
人閒傳下誤明皇

羽蓋霞旂曉日分
隨班共謁玉宸君
眾中獨賜青鏤管
浴月挈雲寫祕文

蒼蘚如雲石作梯
啾啾終日白猿啼
山君夜守長生藥
太乙爐中六一泥

雙瞳炯炯映黃眉
嚙紙爲驢每倒騎
得啖青雲芝一朵
千年顏色似嬰兒

阿母前頭郭密香
雲衣常佩虎鞞囊
今朝侍從朝金闕
帶笑傳呼白鳳皇

廣陵八月怒濤迴
駕鯉驂躡踏浪來
不許波臣迎水面

笑將羽扇劃江開

蓮花巾子不沾塵
碧落飛行自在身
袖拂白榆歸去晚
一聲長嘯裂青旻

朱霞片片映瑤臺
月下蟠桃帶露開
彷彿有人嬌似玉
笛聲吹徹紫雲迴

扶桑樾熟四千迴
金骨飛翔遍九垓
路遇安期前致語
明朝相訪向蓬萊

玉女峯前是我家
荷鋤日采滿谿花
仙情不比凡情渴
况有千年冰谷瓜

恨無錦字寄蘭翹
戲躡青鸞上玉霄
爲草填橋烏鵲檄
贈予十幅紫蛟綃

晴空千仞立青岑瀑布飛流下澗深獨坐蒼松無與伴
泠泠一撫落霞琴

天台分手會何期海色西風無限悲欲倩滄洲轉言鳥
好從別後道相思

神仙亦自有英雄身跨青驄疾似風思射天狼清斗極
扶桑枝上取彎弓

霧縠衣輕盡六銖花虬七色五雲扶琅函手裏瑤光散
一卷三天豁落圖

蓮花寶劍影廉纖雙袖飄飄拂紫髯遙望元洲欲飛渡
醉眠水底弄銀蟾

君山一點似青螺夜約盧耽控鶴過喚取湘靈來鼓瑟

月明環珮出江波

楚樹山房集 游仙百詠上

七

瓊肌蓮臉髮鬢素手常攜采藥籃踏破白雲歸碧落
被風吹下鳳皇簪

千年曾醉岳陽樓城郭人民感昔遊煙景歛然看漸滅
一聲鶴唳洞庭秋

與子逍遙億萬齡笑伊舉酒勸長星共談混沌前頭事
雙手摩挲天柱銘

星窗月戶洞空虛琅輝煌映蕊書俯視茫茫煙九點
神仙自是好樓居

月出蓬壺皎若銀疏星遙隔絳河濱凌波小襪飛行急
不染人間半點塵

弱水迴環三島流望中依約見瓊樓浮來玉井蓮花瓣
聊當仙人不繫舟
鴻龍玉狗啟天闈東海團團吐曉暎一尺紫雲遮帝面
近臣始識玉皇尊
路入龜山翠不分藥香煙暖氣氤氳盥洗花往往逢谿女
五暈春衣翦彩雲
涓涓花底瀉紅泉千个琅玕拂翠煙愛看月明鸞鳳集
鏗鏘音韻羽衣妍
碧桃紅杏四時春嵐彩霏霏踏玉塵親扣丹扉知客姓
手提如意跨青磨
銀河爛漫彩雲鋪桂蓋亭亭映玉壺寶璐衣香吹滿地

汾祠昨夜祀黃姑

樊榭山房集

游仙百詠上

八

白鸞塵尾散香來王母筵中笑舉杯入夜須然蜃脂燭
燭龍空裏吐樓臺

玉雞初唱日東升萬仞蒼厓挂古藤欲識九還丹熟處
金精黃螭各飛騰
海上琳宮次第開琉璃碧瓦淨無苔金城莫攪鴉兒睡
盡是猶龍變化來

蒼茫煙水隔迷津芳草無風氣自春別業桃花源一曲
年來賃與避秦人

凝虛殿裏晚風涼紅桂花閒映紫房特召書仙開寶籙
御爐芬馥玉蕤香

樓閣空中白玉京，飛龍驂駕兩相迎。紫皇敕掌仙官籍，
金管親題北斗名。麟臺花裏瑤軒夜不扃，麟臺簾卷水晶屏。娉婷不爲春愁坐，
仙語泠泠細誦經。青鳥玉女投壺帝座旁，赤鸞青鳥列成行。脫臬親見天公笑，
不信人間是電光。天宮瓊童雙引五雲車，天路繽紛散寶花。夜靜廣寒官未閉，
吳剛爲我捉金蟆。散髮散髮青童控鹿隨，昔年曾是牧羊兒。躡翻西海洪濤動，
十萬魚龍不敢窺。雲冠雲冠鶴氅兩瞳青，劍室煌煌錯七星。隻影空山孤月夜，
畢方罔雨盡潛形。

樊榭山房集 游仙百詠上

九

崑崙頂上御天風，數粒蒼山眼界空。遙指長安如蟻窟，
五陵萬古碧濛濛。

星漢微橫玉漏遲，斑麟輦降辟邪隨。招仙閣外涼如水，
只有琉璃扇子知。天翠杓瓊漿細盡歡，銀宮高處不勝寒。太霞一曲歌纔徧，
抱得雲和自在彈。

開徧三花樹，樹秋綠雲萬頃白。蓮浮九靈少女吹簫過，
玩月同登十二樓。

紫霄無路可先登，雞犬何年亦上昇。欲識蒼蒼非正色，
乘風穩跨北溟鵬。

抱一含元道自成機通眾妙異凡情世人莫詫神仙幻
戲喝蓮花陸地生

洞天霞彩雜晴嵐碧樹紅芝映玉潭園客新分香草種
靈妃無事養華蠶

衣翦龍紗捫赤絳名登紫府冠仙曹王公遣在方壺住
東海何人敢釣鰲

靈人浴日向丹池曉看陽烏出水飛掠過神洲還入海
江山不改世皆非

一幅龍綃染絳霞往來弱水不乘槎新傳弄玉吹簫譜
寫與緱山姊妹家

步虛仙唱隔花聞座上風吹五朵雲寄語蘭香珍重處

瑤編常把辟邪熏

葉樹山房集 游仙百詠上

十

游仙百詠上

樊榭山房集外詩

錢唐 厲鶚 太鴻

續游仙百詠

斜界銀河低玉繩步虛風露冷如冰月中無數閒田地
 更築瓊樓十二層
 貝闕龍堂會眾仙赤蛟戲水鼓湘絃一聲裂帛秋波動
 驚起江妃不得眠
 青鬢爭捧綠瓊車紫府真妃號九華忽聽鸞笙雲際響
 雙成笑隔碧桃花
 玉卮娘子着雲衫月面星眉貌不凡阿母膝前梳髻罷
 綺窗教展藥珠函

樊榭山房集 游仙百詠中

一

負輓牽牛曉飲河遙逢帝子道如何仙家夫婦皆耕織
 好借天田種玉禾
 天上生辰祝紫皇羣仙齊進九霞觴太元玉女催呈舞
 一曲霓裳日月長
 銀臺金闕盡前緣玉籍書名豈偶然竊藥偷桃應犯戒
 玉皇破例恕神仙
 三島微茫鶴到遲峯頭閒倚玉桃枝要將碧海長鯨掣
 繫取虹蜺作釣絲
 風佩泠泠過洞陰飛仙游戲本無心小餅貯得瀟湘雨
 滴下世間三丈深

東溟巨浪蹴遙天浩劫揚塵幾萬年親聽海邊橋石語

何曾流血被秦鞭
獨駕螺舟戲水濱
波平風靜月如銀
阿誰江上吹橫笛
水府老龍來化人
金根經尾玉名僉
赤足身騎八字蟾
曉入通明齊候扇
半空星斗捲珠簾
羽蓋飈車天際來
武夷山上起樓臺
鳳兒拍板彭昭唱
一曲人間最可哀
三天最恥作頑仙
祕檢珠囊盡日研
帝有新宮落成詔
書銘拜上彩霞箋
集真島上手譚池
鶴髮朱顏坐對碁
不遣世人看半局
恐防誤卻采樵時

樊榭山房集 游仙百詠中

二

挂星槎穩海爲鄉
珠焰常爭夜月光
東到扶桑觀日出
扶桑更比向時長

海上樓船去已遙
祖龍那得上青霄
下方一點如螢火
道是阿房三月燒

袖拂羅浮瀑布斜
軒轅相約看桃花
洞中彩蝶車輪大
騎向天邊化作霞

仙宮奏罷返名山
鳳輦天衢一瞬間
武士踏雲紅抹額
真姬曳霧綠垂鬟

深洞煙霞是太初
石牀晝捲水簾疎
眞文一卷虬龍篆
不是人間世俗書

華山朵朵翠芙蓉
毛女乘風戲碧松
夜靜寒空秋月白

清歌一曲上蓮峯
天上春光世上稀
休將紅袖換霞衣
遙憐羅郁思凡譎
一墮塵寰尚未歸
珠佩星冠障扇輪
雲英年小締仙姻
姮娥甘向廣寒老
冷抱蟾蜍不嫁人
嬋娟玉女駕雲軒
星漢垂空盡可捫
五色雲中仙掌現
巨靈擎出洗頭盆
海上彈琴一葉船
赤龍倏忽化紅絃
泠泠弄罷水仙調
攫霧挈雲飛上天
偶向扶桑碧海過
冰蠶近日始生蛾
上元寄語天孫道
織室暫停拋玉梭

樊榭山房集

游仙百詠中

三

蜃樓縹緲在虛空
貝闕玲瓏落照紅
莫怪盧生尋不見
盡驅三島入壺中

下縋懸厓上摘星
往來羽服響流鈴
白猿跪獻芙蓉劍
清嘯一聲歸翠屏

十二闌干十二樓
閒時登望紫煙浮
媧皇補石猶難到
一道銀河入海流

閩風苑裏一春閒
青鳥銜書報阿環
綠髮細梳三角髻
嗟峩學得海中山

青松如蓋石如雲
猛虎猶龍洞口分
童子埽花兼汲水
雙雙盡待大茅君

冰輪碾破滅清光
修月工人斧鑿忙
玉屑紛紛雲際落

西風吹下盡成霜
面面軒窗敞水晶
瓊筵烹鳳膾飛鯨
洪厓莫漫憂沈醉
還有冰桃與解醒
彩女遙聽金闕鐘
曉妝初起紫微宮
不須人世長蛾樣
新月纖纖落鏡中
聚窟洲邊月正高
夜彈雙禮八瓊瑤
龍王小女親求曲
風曳紅衫上海濤
神霄爲吏不知年
偶謁金鑾獻殿前
已是世人貪莫厭
休將竹葉變青錢
駐景何須繫日繩
空歌碧落任飛騰
劉郎辛苦無仙骨
枉費當年鳳腦燈

樊榭山房集 游仙百詠中

四

塵網紛紛似繭纏
誰知世外有神仙
先生學得癡龍蟄
一覺松風太華眠

劉綱夫婦住瓊臺
鶴帔霞裙次第裁
看咒庭前桃樹鬪
一株逃向白雲堆

吹徹參差白鶴鳴
星輿歷歷碾雲行
廣寒仙兔春靈藥
丹桂香中玉杵聲

錦字空中鳳口銜
靈風吹冷五銖衫
相招直渡天河去
片月爲舟雲作帆

南嶽夫人道貌姝
新收弟子字花姑
碧桃紅杏天邊有
曾見瓊花一種無

萬里清風萬里霞
一重樓閣一仙家
不知何處飛來鳳

啄落梧桐滿樹花
皎潔秋空碧
溼澄玉闌曲
曲盡堪憑雲
中何處聞雞犬
昨夜旌陽拔宅升
雪藕交梨閩苑栽
蘭香生日智瓊來
麻姑遣送行廚酒
張碩何曾飲一杯
倒景樓臺曉氣分
珠簾掩映紫微君
侍兒閒取天衣曝
下界爭看五色雲
星斗宮中月鏡開
妝遲不待玉郎催
今宵織女成花燭
簇擁仙娥去看來
殿角風生金鐸縱
霞光萬縷射虹窗
王喬無事吹鸞管
驚起花閒鶴一雙

樊樹山房集 游仙百詠中

五

弄電行雲無定蹤
海天空闊有誰逢
茫茫萬里蓬山雪
無數仙人跨白龍

方丈山邊十畝餘
羣仙相約共揮鋤
秋來種得靈芝熟
卻喜天倉不索租

毛節朱幡事偃佺
餐松餌桂已忘年
天邊日月何會落
只繞崑崙左右旋

閭闔門前五嶽朝
海神輸貢有鮫綃
奏餘七日鈞天樂
賞盡纏頭十萬條

雲階月地發天香
燭夜花前共舉觴
使酒忽翻青玉案
列仙拍手笑清狂

進饌擎杯滿碧空
玉清高宴紫蘭宮
歌塵灑灑徧瑤姬
雨

舞袖招迴少女風
曼倩歸來十八年黃冠白袷故依然追隨翠水瑤池會
還是詼諧謔眾仙
綠樹都栖五色鸞藏春仙隴不知寒棗花桃核尋常物
只食金膏九轉丹
橋中對奕各欣然笑別巴園直上天贏得一雙龍縞襪
躡雲踏月不曾穿
嶽蓬仙子字幽蕭一霎秋空冷佩飄報道龜山金女到
拜時墮卻翠鸞翹
一種三清旌節花移根還自地仙家玉書敕賜青童捧
爭擁韓終白鹿車

樊榭山房集

游仙百詠中

六

琉璃宮殿水精簾桂影榆花夜色添寒氣逼人偏獨坐
玉肌那怯雪羅纖

紫雲娘子擅才思吸露餐風姑射姿霧閣雲窗人不見
衍波箋寫曉寒詩

閃斷芙蓉翠羽旂雲中鶴駕不停飛孔昇後乘誰同載
豹尾竿前是玉妃

嵩高夜靜月明孤石冷泉香九節蒲聞道叔卿騎鹿到
王興峯頂笑相呼

水仙去謁洞庭君珠箔瑤窗寶瑟聞最笑座中窮柳毅
纔攜龍女便行雲

芙蓉城裏五雲樓夜共瓊英跨鳳遊爲報石家多置酒

玉宸新拜醉鄉侯
萼綠安香坐玉階
藕絲裙覆蹋雲鞵
眾中鬪得金光草
輪卻雲鬟玉燕釵
生洲飛步拾紅蘭
金醴餘醺尙帶酸
袖裏盛將滄海月
夜深驚起玉龍看
新授華陽司命君
青旄紫蓋氣氤氳
碧瑤箱鎖飛仙印
一軸三霄九錫文
碧雲城外砌玻璃
登望蓬壺小欲迷
誰喚老蟾歸海底
桃都山上一聲雞
居巢笙響晚風和
忽聽雲中度玉珂
卻是伶倫纔謁帝
相將嶰竹倚清歌

樊榭山房集

游仙百詠中

七

青霞爲佩月爲鈿
獨坐花陰謝自然
一卷黃庭纔誦罷
玉爐猶有未銷煙
函谷東來路渺茫
流沙西去似天長
而今講道中黃闕
猶湧成都玉局牀
邀得青牛駕鈿車
椒庭列坐酌流霞
仙人舞罷山香曲
落盡滿庭琪樹花
羸娥舊是鳳樓人
飛雪丹成不肯勻
笑語蕭郎天上樂
玉簫占得幾千春
雲表真人絳節回
水中仙子綠窗開
梅姑繡履乘潮去
江女珠璫弄月來
窈窕青童鬢掠鴉
翠簾不捲煮仙芽
夜深天母裁官錦

半是紅雲半是霞
蟠桃一熟歲三年纔是雲華攏髻年底事驚心封不住
花閒故惱鳳皇眠
落盡殘星海色明天風浩蕩卷霓旌朝元跨鶴歸來曉
霜冷石樓鐘自鳴
冰簟瑤牀夢乍醒玉童持簡進雲屏上方割取乖龍耳
種出鍾山李似瓶
羣玉山頭策府開羽陵粉蠹化香灰瑤篇寶軸三千卷
穆滿何曾解讀來
九館仙人拜大夫射鳥斫兔盡癡愚長生錄上添名字
只得龍髯第一珠

樊榭山房集

游仙百詠中

八

島上瑤宮罩碧煙繞山弱水浪翻天羣仙盡駕飈輪渡
獨掉蓮花破鐵船

青瞳綠髮老浮邱常想飄飄伊洛遊今夜緱山明月好
鳳笙吹過碧雲頭

仙膳琳廚翠釜香眞官惟奉紫清皇已攜北斗斟天酒
更弄南箕簸玉梁

百丈長虹繞繡楹半天風雨散班聲紫宸闕下晨趨出
東望咸池拜日兄

仙娥結束學嬌嬈裊雪縈煙一尺腰東海冰綃雲漢錦
九光燈裏舞衣飄

俯視青冥啟笑顏蟻封隱隱九州山滄桑更變成兒劇

杯水盈虧一瞬間
大羅天上色空青
嘒雨雲鬟躡鳳翎
正遇玉京仙史至
乞將羅襪爲書銘
朱陵洞底透湘風
乳滴仙花蝙蝠紅
玉簡書投蒼水使
青虬騎入古潭中
司書仙女號文姬
臉帶霞痕不埽眉
召寫玉樓新記畢
誤文名署隴西兒
天風颯颯雲盤盤
麗英夜戴晨纓冠
前驅九龍十二虎
絳河清淺生微瀾
雲翹攜手夜相偕
仙樂泠泠作隊排
月府星垣盡官殿
琉璃一道是天街

樊桐山房集

游仙百詠中

九

一片青霞渡海來
神山下見紫瓊臺
綺窗雲影呼鸞起
花裏洞門深自開
杖頭拄破白雲痕
離地天通有一門
猿鶴蟲沙飛劫盡
茫茫何處覓曾孫
御風微縹碧烟裙
笑翦湘天吸彩雲
遠望層城花靄靄
駕虹去拜紫陽君
霞漿一勺鎮青春
猶戴華陽道士巾
游戲尙嫌瀛海窄
更鞭鸞鳳叱黃麟
夜向藥樓邀小玉
傳書鶴使路迢遙
忽聞阿母多呼喚
閒殺仙郎碧玉簫
鋤雲種得玉爲田
服食瓊腴凌紫煙
曾向梯仙國中住

吞殘紅日不知年
珠閣深深鎖上華
瑞雲繚繞綠窗紗
忽驚吹落沈檀雨
盡是羅天四色花
餐霞爲食枕雲眠
種得峯頭十丈蓮
不是淩風生羽翼
塵凡那解識飛仙

遊仙山房集

游仙百詠中

十

游仙百詠中

樊榭山房集外詩

錢唐厲鶚太鴻

再續游仙百詠有序

曩作前後游仙凡二百首前游仙已雕板不揣荒鄙頗有嗜痂後游仙藏篋中未舉示人暇日展玩自愧凡俗於仙境猶有未盡因刻意冥搜誓脫故常復成百詠昔謝逸作蝴蝶詩三百首人呼為謝蝴蝶世有知我者其將以予為厲游仙乎香齋宮齋詩外是則宴罷瑤臺酒半酣海天一色染微藍蓬萊頂上麒麟客界破滄溟碧玉簪三回日變風王公題興芝田草香風吹散紫梨花拂過瓊宮桂影斜空裏銀光似流水

樊榭山房集游仙百詠下

一

潛翁夜弄白蝦蟇

神馬生猶控玉童三回稅日勢追風王公嗔喫芝田草新種龍芻翠島中萬天一會炎湖盈藪萊瓊瓦上飄飄容阿母親教嫁玉郎鸞輪吹送杜蘭香璿宮織得秋雲帕裏贈瓊丹似紫霜精三百首人呼為楊柳夜宿明晨八景城真香奩盡說長生琉璃牆壁不知夜白鳳玉鸞都暗驚山嶺中未舉示人騎羊拂袖上綏山朱草紅蕤滿路斑折得金桃未曾食東風笑待赤烏還精鬢綰飛仙青錦裳闔風筵上舉金觴不知傾盡瓊蘇酒嚼爛紅霞睡阮郎

乘風笑踏玉蟾蜍訪道參師遍紫虛琅碧溪頭桑樹下
飛龍親授太霄書

玉貌壺公翠彩眉碧桃花發遠相期騎來白豹偏饑渴
教飲紅泉嚙紫芝

太極夫人插玉釵紫清宮裏候清齋忽逢歸路雲霞重
擁住青瓊飛鳳輶

白羽霓幢一色新八滄山上校羣真青虬扶輦裴君至
金簡新除侍玉宸

負局先生綠髮長曳雲瑤佩韻丁當只因磨得姮娥鏡
白兔傳將搗藥方

一片真風花氣飄三層玉殿近彤霄何人低唱元雲曲

樊榭山房集 游仙百詠下

二

聞道東皇散早朝

碧霧衣裳青羽裙驂鸞道是紫元君欲過蕙圃尋瑤草
早有香來透五雲

鬱鬱紅雲鎖翠樓玉璫敲戶暫來遊階前白鶴閒教舞
狼藉芝花曉未收

迎來玉仗白羊公手捧龍泥碧檢封夜扣九關門尙閉
滿身星影立雲中

昨夜元洲降碧霜綃衣新染十分香千年白橘初成了
未獻真妃不敢嘗

碧谿流水泛雲花此是滄浪少女家夜向瑤池思阿母
祥風吹上紫鸞車

翰寥館裏小天青夜誦金璫玉珮經侍立瓊童無一事
隔花閒數絳河星喚起青龍駕玉鞭井公相約到瓊田圍碁一劫三千歲
贏得桐山度厄錢長桑公子服紅冰閒向崑崙試一登三十六天花底見
瓊樓玉宇碧層層雲母屏空看似無弱海相逢袂便分欲將書札寄王君須邀班孟嚼雲墨
噴紙盡成瑤篆文金波一片海光生天路常隨六甲行白虎鼓琴鸞唱曲

勸君須盡九霞觥

樊榭山房集

游仙百詠下

三

冰裳染得萬峯青瓊樹風高吹夢醒碧海邊洗明月
滿天星斗冷冥冥靈壽青童偶共攜翠龍雲冷卧前谿紅霞蒸透桃花樹
不覺玉山歸路迷空洞笙歌奏六音碧堂迴繞五雲深虛皇親召金妃舞
花鳳前頭拍不禁瀛海波高雲影寒方平夜戴七星冠麒麟本是尋常物
祇供行廚作脯餐淺碧壺天扣不開瑞煙長護七靈臺青田鶴使先通信
知是八元仙伯來

鞭鳳來過日未斜
鄰鄰碧水護金沙
倚風一吸蒼龍炁
開盡蓬萊紅杏花
王公畱客啜霞漿
洞裏春閒白日長
歸去天風刮雲響
吹翻紫水污衣裳

月影霞光亂不分
煙衢輕蹴玉絲裙
九芝蓋底遙相望
不是茅君定許君

金書親賜住瀛洲
曉喚芸童到上頭
芝穗藤花須細掃
玉皇明日要來遊

萬年青鹿七星毛
騎出谿頭摘碧桃
背後從行雙玉女
煙絲新刷翠鬟高

風雨冥冥碧玉壇
元洲長史近闌干
草成河伯新除詔

樊榭山房集

游仙百詠下

四

賜與黃龍潤筆乾

青谷先生隱太清朝
元初罷返瑤京不知何物充朝膳
爛煮金蔬玉菜羹

碧紙琅函一幅書
相邀涓子到方諸
往來不用三青鳥
自有騰空赤鯉魚

玉苗瓊藥種來新
多是寥陽殿裏人
只有碧池無景色
鮑姑乘雨送香蘋

藥珠樓閣壓紅雲
侍女燒香遠近聞
新到仙姬參拜了
教開青笈賜眞文

九雲冠上綴三星
小字曾呼宛絕青
吹裂中天寒玉瑄
白龍斜立碧煙聽

月戶珠簾上玉鉤青琴仙子夜深遊冰絲彈得清商曲
吹下人間萬木秋
王母生辰捧玉杯酒清香發上瓊臺鈞天初奏掀雲外
九聖七眞騎鶴來
晝長懶去展琅函小洞花前玉手搽搓碎明霞壓紅綫
安妃喚繡鳳皇衫
秋到寒蟾彩暈明五雲深處桂香生跨龍飛過清虛府
聽按霓裳第幾聲
天葩不與世間同樹樹長春一色紅更有紫河香十里
荷花開向雪霜中
羣眞直宿紫微旁宣召明晨夏侍郎擡起五雲簾一半
霞衣染得九天香
教炊金竈煮胡麻雲樹重重是妾家一別劉郎無近信
洞中冷落碧桃花
月明花暗路遙遙玉女閒吹九鳳簫等得裴郎就鸞駕
穿煙珍重謝雲翹
新拜蓬萊佐命卿玉童羽蓋往來迎夜深笑倚青鸞背
拏住金蟾不放行
瑞霞爛漫八風涼絳闕門前下鳳凰不許侍兒敲玉節
恐教驚動紫清皇
青翁爲厭侍瑤京移住西明三素城買得瓊腴田萬頃
閒時卻喚玉龍耕

幾度看生滄海塵風前倒着紫綸巾碧驟何事不歸去
水滿玉谿瑤草春
小有君王跨鶴過洞天雲滿露香多花閒眾女調笙琯
正唱春波一曲歌
記得雲軒過海時水平風靜碧淪漪白螺素女來相候
擎出明珠龍不知
空裏飛書寄洛公雲箋吹落碧天風海波爲問曾乾否
要種金桃萬樹紅
太素真人不出遊瑞花瑤樹隱丹邱眠雲野鶴夢纔覺
已是人間千度秋
新壓瀛洲碧玉漿麻姑作主共傳觴紅鸞飲罷催歸去

樊榭山房集游仙百詠下

六

爛醉不知風露涼
洞裏瑤窗六扇開落花一片繞谿迴熊盈娘子閒何事
親把黃金裕襖裁
七瑤宮裏賜金花一道明河簇絳霞只有成公親被召
相隨帝子降鸞車
山圖寶馬錦障泥歷遍崑崙弱水西日暮搖鞭歸紫府
瑞雲影裏一聲嘶
九天風冷月茫茫吹薄龍絲一握香碧落夜深秋似水
來邀青女覓甜霜
新梳一尺絲雲鬢嚼藥餐花盡日閒阿母爲嫌塵世窄
智瓊無奈憶人間

著罷青裙拜木公洞天十二碧玲瓏雲窗女伴暗相識
知是西池白玉童
弱河風靜浪千層一朵青霞自可乘拍手笑呼臆伯子
同遊翠水采秋菱
清瑟閒彈五十絃雲心飛響瀉流泉無人解聽紫霞曲
鶴唳鸞吟月滿天
雲駟深擁魏夫人前導雙雙五色麀忽見桃花開海上
三千年又一回春
珠館春寒鎖玉扉落花飄著上清衣金盆曉漱寒瓊水
灑向人間作雨飛
瑤樹離離月色明偶隨煙駕宿三清花間一夢誰驚醒

欒樹山房集游仙百詠下

七

北斗迴環夜有聲

碧苑青林一半閒尋常移得麗農山曉來怪底雲衣溼
添卻窗前綠玉鬟

八公顏色似桃花共坐青牛白鹿車欲訪故人何處所
雞鳴雲外是劉家

茶姥烹茶別有方東皇畱客試教嘗玉壺不住雲霞沸
煮出瓊華滿盞香

玉案旁邊小侍書金顰雲髮一頭梳朝來檢錄三天事
密記琅玕滿碧裙

昨日騎魚白海過采桑陌上遇青娥自言厭著天孫錦
要織冰綃共雪羅

閒采雲山紫葛花露苗煙藥月初斜饑時白石和泉煮
飽向峯頭漱曉霞

安公朝謁玉清歸脫卻霞霄無縫衣騎得赤龍何處去
閒遊一任九天飛

一曲滄浪別有天玉花金草滿瓊田連朝鳳駕雲駟倦
聽向扶桑背日眠

蓬君年少最風流新賜天花插滿頭笑指紅雲歸去路
玉華正倚十三樓

曉喚青鬢煙景殊瑞煙溼透紫羅襦東華宮裏春常在
撲地香雲何處無

夜宴瓊臺飲未殘星河流響近闌干燭龍早向東方駕

照破玉杯春酒寒

昨夜相邀宿月宮素娥玉珮響丁東白鸞作意婆娑舞
身在琉璃世界中

碧樹風清拂玉虛八靈道母鎖雲居明朝欲約蓬萊會
夜寫青瑤小篆書

一笑騎鸞下碧城偶然相遇帛先生東風不記何年別
揜袖爲君吹玉笙

瑤水如空噴錦沙客星無路可通槎醉喚一隊長生鹿
銜出洞中紅玉花

西華侍女董雙成閒共蕭郎作伴行贈與千年駐顏藥
願郎珍重莫嫌輕

一片空歌入太微月寒花露滿身飛玉妃悄向青童語
遊遍煙霄侵曉歸
芝甲瓊花發好春衛卿許樣最相親全家容易登霞籍
不比人閒學道人
雲林洞口晝冥冥鶴睡瑤屏靜不扇莫道往來煙路遠
碧天只隔水晶屏
紅霞爛爛染衣裳回首滄溟路更長爲覓董君相借問
不知杏子幾時黃
夜上樓頭碧霧空寥天吹動八絃風飛瓊笑拍闌干望
月殿雲階倒影中
姑射真人戲紫霄天風冷襲綠雲袍玉皇遣降豐年雪

都向青鸞羽下飄

變樹山房志 游仙百詠下

九

采樵因過碧海頭興來嘯父喚同遊晚風更上崑崙頂
鐵笛一聲無限秋
齊隨霓節上瑤壇絃管泠泠奏未殘獨有茅君親拜賜
眾中暗認藕華冠
去覓元君偶被畱玉膏千斛校觥籌更呼小鳳筵前舞
月轉河傾不肯休
湘鬟催喚范成君結束彤雲六幅裙教唱步元新法曲
此聲天上未曾聞
花開花落本須臾直得霞翁一笑無眼看扶桑東海上
幾回生葉幾回枯

青林紫草伴長春不識人間有笑顰欲取水中龍子戲
湔衣因到玉谿濱
手翻鸞珮下金臺寂寂雲窗午未開正是紫妃新睡覺
聞聲始識鳳仙來
雲箋五色展青箱詔寫瑤鐫向碧堂龍篆芝書人不識
墨花飛出滿天香
渡水乘花共踏歌顏雲高髻碧峩峩戲將玉尺量東海
更比當時淺許多
鳳輿海上卻回時青鳥傳書寄所知我有遊仙三百首
不須重唱駕鸞詞

樊榭山房集

游仙百詠下

十

游仙百詠下

曾侍東皇太乙前酒龍謫下不知年花陰一覺游仙
夢行遍壺中小有天

噓吸乾坤瞬未移下窺濁界息相吹海流不到天無
底始信三山未足奇

西溪漁者自題

游仙詩三百首蓋先君子少作也以偶爾託興未嘗
實版集中小子黼薰襲篋衍每一敬展手澤如新泣
然何已同學鮑君以文績學嗜古亟請開雕不特敏
求之足當實爾詩人不匱之遺矣黼其能無興感哉
謹書末方以識鮑君用意之厚云乾隆辛巳中春志
黼識于樊榭山房

樊榭山房集

游仙百詠識

七

黼識于樊榭山房

歸書末方以識鮑君用意之厚云
彈劉辛巳中春志
亦之只當實爾詩人不匱之遺矣
黼其能無興感哉
然何已同學鮑君以文績學嗜古
亟請開雕不特敏求之足當實爾
詩人不匱之遺矣
黼其能無興感哉
謹書末方以識鮑君用意之厚云
乾隆辛巳中春志
黼識于樊榭山房

西溪漁者自題

游仙詩三百首蓋先君子少作也以偶爾託興未嘗實版集中小子黼薰襲篋衍每一敬展手澤如新泣然何已同學鮑君以文績學嗜古亟請開雕不特敏求之足當實爾詩人不匱之遺矣黼其能無興感哉謹書末方以識鮑君用意之厚云乾隆辛巳中春志黼識于樊榭山房

識

曾侍東皇太乙前酒龍謫下不知年花陰一覺游仙

詩家游仙一體自唐人以來多爲絕句或別有寄託或近香歛豔情之作而出以迷離恹恍之辭要無無謂而作者此集爲游仙詩三百首其託意不可知而語帶煙霞有雲愁海思之遺所謂詩雜仙心者也先生編樊榭山房前後二集皆不登載聞舊有堇浦先生一序亦未之見此本乃郡人所傳鈔者亟爲梓而傳之零珠碎璧猶可寶貴况三百首之多耶同里後學陳鴻壽識

樊榭山房集

游仙百詠識

三

餘同寶貴况三百首之多耶同里後學陳鴻壽識

之見此本乃郡人所傳鈔者亟爲梓而傳之零珠碎璧

山氣雨對二兼皆不登載聞舊有堇浦先生一序亦未

看自雲愁海思之遺所謂詩雜仙心者也先生編樊榭

山房前後二集皆不登載聞舊有堇浦先生一序亦未

識不著山一歸自專人以未多爲識中更限自書詩苑

識不著山一歸自專人以未多爲識中更限自書詩苑

余束髮喜學爲詞同時有洪稗村沈柳亭輩嘗爲倡和
彼皆尙花庵草堂餘習往往所論不合未幾各爲他事
牽去出處靡定不能專工於一今二君已化爲宿草余
猶視息人世間作倚聲之歌幾無一人可語者去臘於
友人華秋岳所讀樊榭高陽臺一闕生香異色無半點
煙火氣心嚮往之新年過訪披襟暢談語沁入心脾
遂相訂爲倡和之作共得題如干并注以調名乃不數
日兩家已各成其半會余適有白門之役孟夏解纜羈
留吳苑者二旬又足成之頃寓秦淮樊榭書至知前後
俱削稿復合以平時所作付之梓人先以首卷刻成者
寄示迴環讀之如入空山如聞流泉眞沐浴於白石梅

樊榭山房集

秋林雅題解

一

溪而出之者噫舍紫山而外知此者亦鮮矣獨余沈酣
斯道幾五十年未能洗淨繁蕪尙存故我以視樊榭壯
年一往奔詣盍不有愧乎時康熙六十年壬寅白露
前一日同里紫山徐逢吉題

詞調六百六十體凡千一百八十有奇一調有一調之
章程一體有一體之變化作法旣殊音響亦異殆難於
詩遠矣余友徐紫山嘗教余作詞謝不能也厲君太鴻
於詩古文之外刻意爲長短句拈題選調與紫山相倡
和大約懷古咏物之作爲多數月之間動成卷帙聲諧
律叶骨秀神閒當于豪蘇膩柳之間別置一席至於琢
句之雋選字之新直與梅溪草窗爭雄長矣余學詩垂

四十年尙不能工太鴻工詩工古文而琴雅一刻各極其妙人之智愚何相去之夔絕也石倉吳允嘉詞於詩同源而殊體風騷五七字之外另有此境而精微詣極惟南渡德祐景炎開斯爲特絕吾杭若姜白石張玉田周草窗史梅溪仇山村諸君所作皆是也自是以還正不乏人而審音之善二百餘年以來幾成輟響近稱西泠詞派或踪跡花間或問津草堂星繁綺合可爲極盛迺緣情體物終惜其體製之未工獨吾友樊榭先生起而遙應之清真雅正超然神解如金石之有聲而玉之聲清越如草木之有花而蘭之味芬芳登培嶁以攬崇山涉潢汙以觀大澤致使白石諸君如透水月

樊榭山房集

秋林琴雅題辭

二

華波搖不散吳越閒多詞宗吾以爲叔田之後無飲酒矣樊榭天才軼舉靡不洽習而志尙高遠泊于榮祿其與予同寓廣陵時當日斜花外必相約爲倚聲往往予未及脫稿而樊榭點筆已就予輒爲之罷去此卷中懷古咏物諸篇皆與同里徐丈紫山酬唱者爲多予旣滯淫旅人生意消削從塵土挈屑中手把是編恍鉛槧之周旋感素琴於秋思傍徨弔影殆若異身有不禁爲之掩卷憮然也康熙壬寅立秋日玉几生陳撰書于眞州之玉淵堂寓館

余友太鴻秋林琴雅之詞質也靈虛學也膏腴才也飲飛如玉光之陸離劍花之參差如是而命之爲詞苟舍

是其將焉如雖然猶有說夫詞南唐爲最豔至宋而華
實異趣大抵皆格于倚聲有疊有拍有換不失銖黍非
不咀宮嚮商而才氣終爲法縛臨安以降詞不必盡歌
明庭淨几陶詠性靈其或指稱時事博徵典故不竭其
才不止且其間名輩斐出歛其精神鏤心雕肝切切講
求於字句之間其思冷然其色熒然其音錚然其態亭
亭然至是而極其工亦極其變苟舍是無或取焉今太
鴻之詞不必極其貌蠟其言抽其關鍵拔其轅轅上下
五百年居然獨樹一標壇矣余弱年從羨門侍郎竹垞
翰林論詞嘗取宋末諸家爲矩矱久竟棄去近與太鴻
還往回理前緒不禁嘖然一笑思效邯鄲之步也康熙

壬寅清和月鶯籠生吳焯書

樹山房集

臥林琴雅題辭

三

歐陽圭齋謂雅卽雅鳥之雅以其聲能動物也詞之聲
生于宮羽而動物者必雅余與樊榭交垂十五年見其
偃蹇侘傺不廢文史而感時覽物託寓微至詩所不盡
必形之于詞上者海山縹緲之音次亦不減游春綠水
之奏聞者意消神往直與鄉先輩清真玉田山村句曲
諸公相後先矣符曾幼魯題

淡而彌永清而不膚渲染而多姿凋刻而不病格節奏
精微輒多絃外之響是謂以無累之神合有道之器者
詎止有井水飲處必歌柳七詞令市伶按拍稱好乎意
林趙信

是集名秋林琴雅計一百六十闕先生三十以前之作也越十九年手編樊榭山房集錄五十六闕有間易字句之處餘一百四闕不復存錄而後進得殘篇賸句往往等諸吉光片羽矧全帙乎爰以集外詞附于後光緒十年甲申孟冬同里後學汪曾唯

樊榭山房集

秋林琴雅題辭

樊榭山房集外詞

錢唐 厲鶚 太鴻

秋林琴雅

原四十七闕 衡人正集二十四闕

真珠簾

雨夜汪青渠齋中看芍藥

疎寮自占藏真島棟風遲不覺花深寒悄背檻試懸燈
護幾枝嬌小板觸鬢絲禪榻外是蠻栗梢頭初好相惱
又香潤人衣雨聲吹到深意不為留春為飲盟吟社
不教虛了舊種記銅駝料此情多少歸帔拖霞休贈別
便一任綠房迎曉買笑怕破霽簾痕添些蜂鬧

天香

浴佛

樊榭山房集 秋林琴雅一

一

櫻溼猩紅筍垂鴨綠今朝四月初入調御生時淨居降
處乍試銀盆珠沫梅檀沈水正小喚廚娘煎歇灌頂身
雲吹散盤盤洗出螺髮年時暗盟重撥拜花龕長生
私乞心字濃燒屏底更衣香辣又是者番情緒愛淡裏
輕梳碧山抹寫幅金經小名自跋

臺城路

蠶

晶鹽水浴齊生日新排曲房深護纔細鬢梢忽圓指節
箔上低昂分貯一春心苦也不為漂花怕他風雨到得
紅時柔桑畫眼已空樹雪絲漫縑千縷試小留蛹母

配勾蛾父溼黛初描閒愁易結滿紙鸞環眉聚吳中忌
處早繭獻雙功野祠簫鼓贏得秦郎碧窗聽軟語卷二十
七日而

老謂之紅蠶出婢雅蜘蛛母蛾父出布
子秦淮海集婦善蠶事故作蠶書

玉闌干

金沙灘荷花

流金橋下清泠水記得小船曾橫浦風有意扇紅妝先
催放兩三冷蘂露翻荷背明珠墜算粉裙飄揚似此
去年花裏去年人空無言佇立沙嘴

滿江紅

鄭義門自號五嶽遊人索予題其紀遊畫冊
英氣如君駕千丈蕭森翠寒尋常肯塵中溷迹負卻躋

樊榭山房集 秋林琴雅一

二

攀屈子遠遊奇服在尙平婚嫁此身閒記殘冬向我話
仙蹤無數山青岱去玄嶽還登二室俯轅轅看玉蓮
幾瓣寒下孱顏太白風雲生腳底清涼冰雪現眉端詫
明年又擬訪朱陵招紫鸞

又

錢塘觀潮追和曹侍郎韻

何處神龍忽翻動千尋銀闕乍龕楮中聞怒吼一痕如
髮倒捲青天吹海立橫驅白雨連山發彼此聲日夜洗
句吳淘於越奇險勝瞿塘雪傾城看中秋月壓秦皇
強魄至今驚絕隔岸迴波搖未定西興漁笛悠揚歇想
錢塘破陣萬靈歸紛幢節

一萼紅

雁來紅

夕陽中正蕭蕭颯颯一陣打窗風黃木犀殘碧牽牛斂
天意妝點秋容漸商略丹砂換骨扶碧篠渾學醉顏濃
怪石苔嵌疎汀水減掩映蒙茸 遙夜初鴻飛度寄江
南芳信月底相逢是葉非花將花做葉今後輕薄霜楓
爲最憐心情難老步微陰閒翫藥闌東寄語相思人道
莫誤題紅

月華清

元夕同金小鄴賦鞦韆燈

水影吹香花光蕩月燭叢光影如許何處留仙便擘皺

懋榭山房集

秋林琴雅一

三

裹留住裁畫架合傍星橋曳綵索還依燈樹飄舉似輕
身燕燕賺他遊女 誰信巧如丁緩早貼就眉鈿翦成
腰杵送過牆頭疑是夜珠來誤憶舊日嬉戲波心占盡
了金明池路歸去有紅船次第更闌簫鼓

摸魚子

宛陵梅文常爲子寫西溪卜居圖因題其上
兼懷尊人耦長先生

問誰移亂泉一曲藤橋宛轉河渚青羅簪髻看皆好髯
屋斜遮疎樹橫斷渡指牒子如鳧小槳輕搖去蘆花深
處笑蟹籩魚牀何時料理始有此家具 平生意瀟灑
愛山真趣年年踏徧煙雨百弓沙嘴閒田地輪與眠鷗

翹鷺呼燭語仗濃淡香螺寫出無聲句故人閒阻更長
憶梅翁小溪春穀獨速短蓑舞

應天長

年年不到前褰水懊惱越梅猶病齒智瓊姨飛燕姊勻
掠鬆蟬知舊事小長千萬里枉說門前梧子又是
孟婆風起熏香偎翠被

京口

閱興亡多矣此南徐我今逐沙鷗過建陵草色練湖柳
影春事都休好似秋容慘淡吹笛夕陽樓樓外茫茫水
著箇扁舟綠鬢看山未老縱凌雲意在漂泊應羞喚

樊榭山房集 秋林琴雅一

四

玉龍起舞爲洗古今愁最忘機不如漁子向晚來和月
一竿收聊同宿江烟江樹也是風流

荷錢

皺微波紫屏風外莢根絲脆初裊田田點點黏天影不
覺平紅如掃縈網藻訝水蛭翻衣只認鯨文小碧圓多
少問覓藕何時見蓮幾日難買越溪笑風亭畔曾約
玉纖親物不堪低障斜照鵝兒欲啜清光破偷眼依稀
同調空喚惱誤釣線穿來枉費江姝巧疎簾興好待鈿
扇高擎象笏半捲卧聽雨聲鬧

錢名

探芳信

廣陵雨夜同故人徐紹武汪抱樸集飲于許渭符獵微堂以藏花爲令各大醉明日抱樸將歸武林矣

冷雲墮苦燭暗梅堦喧蘚破約舊愁今雨安排醉鄉可風花身世渾無定拌向花裯卧儘淋漓帽落青枝殘搖紅朵珍重此閒坐要句泊心旌琴開眉鎖還剩杭州衣上酒痕澹只憐曉漲金蕉外弱槳飄然過照相思一點蘆中夜火

祝英臺近

黃薔薇

軟屏深香霧重春已欲歸去短刺鉤春更弱柘羅舞幾

榭山房集

秋林琴雅一

五

回惹卻斜陽蒙將初月但吹送麝塵侵戶水邊路柳花裊容柔條相看色如許點染齊紈添了小鶯語故人昨有新詞殷勤盥手曉傾下金盤仙露

清平樂

陳楞山松泉試茗圖

空煙吹翠峰腋雲生細消得清涼剛斛二句破松根殘睡幾年淮左羈愁何時嘯侶林邱記取雪殘歸棹期君第二泉頭

臺城路

懷下若舊遊寄金壽田

船窗涼燭分攜後夢遊未忘清遠柳髮垂溪山螺過雨

陳帝宅邊曾見吟，情恨淺但共坐深宵。忍辜茶盃誰料，今年又憐梗跡在隋苑。蘋洲那時初返，笑風流不減。綠陰春晚，月墜江空，雲籠岫小，無復焚香書練。憑高望斷，悵如此幽尋，頓成星散。待續前期，葦閒誰是伴。

賦團扇上蓮草美人
月裏盈盈風前轉轉，嫩涼吹送細髮桃鬢。羅衣淨無縫，東牆未見容易得情田。先種飛動輕削楚腰，比桐花么鳳。天然壓眾愁眼，啼蘭無言，正如夢纔離小草。半面漫邀寵別，有寸心通處，拾翠水邊曾共。恰恁時憔悴湘簾畫屏深擁。

秋霽

金山寺

樹影中流走萬里，江聲地軸吹轉。香塔擎秋翠，蓬穿水化人別開宮殿。古臺一半倚空閱，盡魚龍變客思倦。長是潮生風熟，布帆遠。回首悵望北固，南徐六朝銷沈。鈴語悽斷，問何如還留玉帶禪心，孤月鎮相伴。清曉碎霞飛近岸，郭公墳上日日暗露沙痕。榜搖驚起叫羣棲雁。

向湖邊

拜句曲外史墓

菌閣煙銷，幾樓塵鎖，片片冷雲疎木。人似秋蟬，渺餘音

空谷恍昔年吹斷瑤笙寥天回首凍草此時纔宿風翦
蓉裳恐難禁幽獨歸去瀛壺便覺吟朋俗誰再倩好
手圖孤清冰玉一任香狸竄殘碑深竹埋哀絲漫鼓懷
仙曲還如倚三尺細泉看夜綠遼羽重來笑飛光何速

如夢令

庭下丁香千結毛文錫青鳥不來愁絕唐昭宗無語倚屏風李珣正
是銷魂時節毛熙震離別離別韋應物惆悵曉鶯殘月韋莊

翻香令

題趙意田倚樓圖

斷雲依水晚來收辛幼安幾行征雁下汀州趙旭江之外吳潛
之麓王特起好江山何事此時遊周密醉香空斷楚天秋馮子振

樊榭山房集 秋林琴雅一

七

故人多在玉溪頭元好問尊前月沈會宗聞遙笛呂渭老這風情都屬

趙家樓黃昇

探春慢

孤山訪梅

清淺湖波回環孤嶼落日空亭凝碧凍鶴無聲衙蜂罷
鬧忽有苔枝橫出留取古時香渾不是古時春色過牆
料峭風來吹花開了還側何意相思今夕看似淡如
無半闌疎白睡起推篷酒醒聞角消受高人吟癖水月
更交光仙袂在玉壺塵隔禁住新寒幾生纔此修得

沁園春

塵

微步凌波清歌繞梁凝芳暗低記羅窗未拂簪花偷學
鈿箏初滿藉草慵攜依約爐邊悠揚簾外欲辟還宜舊
導犀風尖甚上平臺望處眼纈都迷 浣衣苦費柔荑
正願効輕微安足辭笑軟紅碾玉橘中戲賭深黃篩麴
柳際斜垂擣麝成香逗煙生綠硯匣封時句嬾題銷魂
也覓去時蹤跡休掃桃蹊 江夏王蕭綰窗塵未拂畫塵上學書見南
史樂器塵滿見隋書沈約有辟塵爐韓偓
詩紅簾不受塵石季龍有芳塵臺鄭漁婢萱草浣衣云郎君塵土太多令人手皮
俱脫略賓王咏塵詩願言心未翳終冀幼懸微橘中叟賭玉塵三百斛麴塵深黃
色也溫庭筠詩擣麝成塵香不滅李賀詩敲帳逗煙生綠
塵柳宗元詩硯匣留塵盡日封韋莊詞天路香塵莫掃

樊榭出房集 秋林琴雅

樊榭山房集外詞

錢唐 厲 鶚 太鴻

秋林琴雅

原三十七闕獨入正集八闕

蕩山溪

鄭菊山翁諱起卽所南之父有水南半隱在

清波門外長橋

湖南深曲元是漁樵社欹壑架長橋綠陰中幾椽秀野
今來悵悵不見岸烏巾衣砧沒釣船空牧豎收羊馬
風蘭幾葉應看佳兒寫古月墜空山似飛來冬青樹罅
無多半隱幽意自乾坤休憑弔半閒堂螢火明秋夜

祝英臺近

樊榭山房集 秋林琴雅一

蛙

鴨頭搓褰腰染鼓吹鬧南浦叫暖喧晴似把好春訴添
他一兩三聲荒腔斷港爲幾陣清明時雨來苦無主最
苦別館華林跳梁小池聚到了燈昏掩重門深戶漫勞
閒聒空塘忙催春老又黃卻菜花無數

高陽臺

湖上感舊

野水垂楊古牆蒼齶傷心清淚偷沾前夢無憑閒情曾
過鶯簾狂紅只在西湖路記來時月細風尖最情忒同
問青旗同譜烏鹽 酒人轉眼多星散任塵埋蠟屐網
裏書籤能話相思憎他雙燕呢喃平生不信潘郎鬢到

而今鬢也絲添更厭厭葉暗空庭雲墮晴簷

天香

龍涎香

苦竹潭深枯桑鳥遠靈姝秋卧無味袞霧醒初戰沙去
後剩得唾痕凝紫魚衣試採重與和宮闈花水天上梅
魂乍返温磨似垂纖尾并刀斷雲暗遞認分明蜃窗

燈穗一縷閒情如舊煖金難寄焚出青蘆雨裏伴小舫

涼聲靜敲碎松石圖開餘煙半紙

雲鏤九溪縣西苦竹潭中多龍涎梁四公記洞庭山南龍穴

通竹桑鳥雲林遺事倪元鎮爲催科所擾逃去匿蘇滬中焚龍涎
香柯敬仲詩云夜雨推蓬寫松石裂香何處獨題詩蓋紀實也

摸魚兒

尊

樊榭山房集 秋林琴雅二

二

過清明第三橋畔香鈿半漾平碧纖痕雉尾浮青紫漫
把露葵呼得吹小摘有盪槳人人萸玉嬌風色葉圓似
拭正觸撥柔情千絲萬縷到手不堪織前期遠曾共
飄零詞客酒闌羹送冰液沈郎自許能知味千里還伊
吳食秋思寂但望斷鷗鄉煙外愁何極幾時肯憶笑鱸
斫蓬池不如水際采采趁今夕

齊天樂

蟬

青林響接炎光永垂綫不沾塵土刻鈿仙形貯風清腹
笑倒世閒兒女疎枝過雨又啣斷殘聲暗移深樹涼碧
勾雲高情那信雀相如曉園莎露乍滴問何人咏得

一翦輕羽趁夜潛飛臨妝欲動好助綠窗眉嫵長嘶正
苦憶舊日瑤宮孟家會顧淺畫生衣冷飈吹不去

元祐五后衣畫

雙蟬日爲子孟家蟬見可談

又

前題

一番枝背旁鳴起池塘頓添清絕竹翠捎空梧陰避景
占了嫩涼時節偏驚遠別是催落殘陽又催殘月獨韻
么絃更無人爲表孤潔 桃笙夢回靜聽每星河夜淺
餐露聲歇耀火休驚柔竿漫試吟到秋來悽切西風再
熱候緩蛻冠花舊愁重說剩有癡情繞堦尋翳葉

荀子禮蟬者務

在明其火曹植蟬賦怪采竿之再冉兮遺微秘而我戀

樊榭山房集 秋林琴雅二

三

水龍吟

白蓮

綠羅萬笠高低姑山雪擁橫塘路鉛紅浣褪娟然幽意
最宜涼雨葦亂萍疎銀囊獨立羽衣來暮襯鱗鱗波底
魚雲粉朵如明鏡添妝處 多少輕舟溪女歎年時嫩
瓊誰主襯褪開徧滿陂照影舊遊權阻香遠堂空舞綃
零落含悽無語念玉笙纖手與花一色浥殘清露

高麗元年中秋

真月香遠堂池中植于華菜白蓮上皇召小劉妃獨吹白玉笙霓裳中序見武林舊事

桂枝香

蟹

江楓落早正執穗侵星睽畔爭擾不住腥泥郭索臍翻

紅蓼疎簾半映圓沙細聽燈邊雪聲鳴曉漫愁翦網骨
清沫白葑湖秋好憶月底糖霜乍擣會吟侶筠窗擘
時寒小翠菊分香洗手盡消樽醪何年化石波飄出溢
金膏故國天杪枯梢無數依稀粉本尙留纖爪咸信臨安志西湖詩

瑤花

東風薄劣墜粉吹香又去年情緒高城亞字煙淡抹尋
到笑桃門戶扇羅風小憎半掩銷疑眉語料生來千媚
中央解唱瀟瀟微雨促人纜解頽陽悵一片吳波堪
斷腸處黃鸝巷日可憶否舊日崔紅曾佳綺疏天遠便
不管雲昏月苦縱他時重問芳遊迷卻綠陰歸去

小宮雲燕山亭

蘇軾山房集 秋林琴雅二

四

唐開成陀羅尼石幢在龍興寺 幢爲處士
胡季真書埋地中已久下有舍利五十四粒
崇禎丙子忽放光掘得之都穆趙嶮諸人所
未見者也同徐丈紫山賦此解俟好古者采

劫化荒燧風鬻怒濤香界尋常都捲科斗字殘蜥蜴碑
沈故物武林稀見怪石能言夜光迸天陰深院奇幻比
雪後峨眉佛燈吹徧手追數甘露初過又唱出翹翹上
林花亂剛紀二年忽涌青幢銀鉤刻來四面讀罷蒼涼
無片語可銷征戰堪歎聊拓取學伊懸腕

花心動

玫瑰花

無力縈煙馬脰邊晴飄夾衣時候疑是紫雲濃笑妝臺
幻出綠叢微瘦粉心黃顛鮫紗膩愛香韻年年依舊爲
花惱芬盒一縷破禪銷酒 巷陌侵晨賣否常映竹斜
門幾聲初逗髻壓退紅鏡點殘麩休傍辟塵釵溜泥金
曾拂宮人帶歎今日佩珠何有翠陰裏徘徊撚枝在手

梅子黃時雨

蠶豆

誰種南山又蛾麥弄涼鳩甚分醉記似雪花開斷畦連
綴家近羅敷牆畔煮清香暗透茅簷底三眠起小樣翠

欒樹山房集 秋林琴雅二

五

籠添了蔬美 應是幽風詩意便新茶繡釘柔莢猶細
待和飯調酥棟花盈地殺菽飛燕塞遠苦相思有江
鄉味青堆市幾人買絲溪尾

滿宮花

細雨

看成煙吹做水低盡春陰垂地霏霏拂拂又濛濛不是
養花天氣 溼透子規聲裏人倚疎簾無味晚來幾滴
枕邊聞如在空中江船尾

買陂塘

書帶草

倚閒窗纔題倒薤堦前柔綠栽偏離騷自古多香草愛

爾紛披纖軟還摘看似當日泥中人把并刀剪移根偏
遠總謝客池邊鄭公鄉裏一樣露痕淺 東風護野火
何會燒斷年年生意流轉上闌不入羣芳夢且學青絲
低縮箋注倦笑兒女尋常也識詩名賤茸茸何限對遠
志猶存忘憂早樹留取映書卷

又

仙姥璫在清波門外聚景園相近

水中央一亭浮遠風楊遮斷城角餘杭阿姥當壚住景
物眼前如昨思小酌只釀法無傳空負方平約玉蓮杯
弱更喚取花姑調成花液當了萬年藥 人閒窄除睡
醉鄉堪託沈腰何事愁削仙山樓閣多塵劫况此綠陰
門鑰休冷落自游戲壺天謾使癡兒覺春衫香薄攜蜜
炬三條蘭醪一斗同唱夜飛鵲

滿江紅

題桃花扇傳奇

千古南朝剩滿眼鍾山廢綠問誰記渡江五馬玉樓金
屋復社尙興風影禍教坊偏占煙花福笑無愁帝子莫
愁湖懽娛速早醉舞散灰緋燭宮騎走降旛轟看湘東
已了枯碁殘局桃葉渡邊飛燕語桃花扇底銅仙哭算
付將此曲雪兒歌難終曲

探春慢

宋宮洗鉛池在梳妝臺側今爲僧院

樊榭山房集

秋林要雅二

六

鳳去山枯鵲啼月墮東風吹瘦波影脈脈流香亭亭浸
玉空對琉璃明淨花片魚銜得縱還有脂痕誰省幾時
鎖卻妝臺回頭鄉夢無定白雁來時秋勁早淚滿碧
紗塵暗清鏡楊妹詩妍劉妃笙脆往事十分淒冷未浣
深沈怨謾汲取頻煎茶鼎換了空門孤燈春雨鳴磬

霜葉飛

九日葛嶺用夢窗詞韻

最愁秋壑堂前徑秋蛩秋草秋樹雁雲無力護微霜捲
盡平湖雨愛此會清觴泛羽君看殘菊皆千古歎舞燕
歌鶯但博得銅駝恨事枉費毫素同是鄭客迷蕉風
埃牢落醉中休倚能賦欲從句漏訪丹砂挹袂聽仙語
凭小閣香生幾縷飄飄容我吹笙去謾再尋西峰頂喚
起金蟾海天空處

瑞鶴仙

咏菊爲楞山生日效蔣竹山體

林臯寒近也看鹿眼籬根菊錢圓也鱗鱗雁雲也又霜
花淒緊放秋歸也冰泉引也望南山煙嵐淺也白義熙
開後重陽甲子幾番題也遊也傾壺細泛冒雨幽尋
足清娛也天隨子也和紅杞采將也笑桃鬟杏靨爭春
烘日不似潭花壽也祇金衣黃鶴多情舞裳伴也

江月晃重山

月夜渡錢塘

江上已收白露月中微辨青山江如羅帶月如環乘風
去江月在橋竿 記得瓜洲問渡舊遊光景重看客心
鷗夢兩般閒涼煙外一抹固陵關

高陽臺

蓬萊閣望海

雲斷山痕天黏水影望中何處蓬萊奇絕殘秋茫然對
此浮杯祖龍可是慳仙骨甚西風不送船回最堪哀老
卻扶桑忘卻誰裁 而今社鼓斜陽裏已湖虧舊鏡梁
換新梅一朵青紅虛空那有樓臺琴心賦筆看俱嬾洗
擘泓襟抱全開白無涯月又初生潮又初來

蘇武慢

焚樹山房集

秋林琴雅二

八

謝疊山先生贈家半村先生詩真蹟卷子

半村先生諱元吉字无咎宋咸淳七年進士
仕爲烏程縣尉遷著作佐郎入元徵聘不就
隱居以終此卷今藏姚江族人處

朱鳥歌殘白翎詞起天地一家春別霜凋玉樹風折瓊
花只有野梅高潔曾憶故人拂袖歸來暗霑清血又燕
臺塵杳曹碑魂斷夢尋薇蕨 江上路冷菊空籬疎燈
破屋長記義熙時節琅琅夜誦滿紙驪珠驚說半天虹
月應是怕伊鬼泣龍愁巧偷豪奪放扁舟西去從此相
思晉雪

臺城路

上虞百官江口舜廟

重華不見蒼梧遠西風忽吹人世苦竹荒濱冷葵胥井
那有窮蟬茁裔翠峰相倚恍二女明妝含顰長是日暮
神歸村籥聲歇陣鴉起江東客心悽絕渺餘情飄入
湘月湘水鳳瑄雲迷龍裳雨壞後五百年何事欲行且
止漫拂拭殘碑古香難洗紅染楓天灑空千載淚

滿江紅

曹娥廟

簾捲冰綃開面面軒窗貝宮有越上采蓮兒女來覓遺
蹤飛楫浮江仍競渡畫衣拖水似凌風佩明珠若箇許
同遊孫媚容花舊在紅處紅紛屢舞列歌鐘忽罪微

樹樹山房集 秋林琴雅二

九

靈雨遠滉千峰收釣客歸山色裏讀碑人立暮煙中望

青林一帶隔潮痕都是松

唐錢謙孫識八月迎高船覆死哉女媚容
逃江哭以爪發祭投江抱父屍出事見文

苑英

蘭陵王

三高祠

冷煙闊笠澤茫茫釀雪垂虹畔搖蕩素波鷺入蘆花雨
明滅枯沙抱斷缺清絕眾船唱歇殷勤問如此水鄉定
有飛仙弄華月黃金鑄重活自一舸飄颺忘了吳越
秋風又到愁時節拋浴下秦地貴遊無夢蓴香茶熟味
最潔笑名是何物騷屑漫晞髮厭格鬪蝸巢相响魚
沫青山今古銷豪傑愛釣雪亭外釣絲風刷翱翔無所

洗眼望翠佩裏

江城梅花引

扁舟如葉過紅橋
雨蕭蕭雪蕭蕭樓外闌干闌下廣陵
潮一夜官梅開欲綻
野梅發送將行伴寂寥
寂寥寂寥
寥碧雲高飲未豪吟未調寄也寄也寄不便南雁程遙
憑仗空香吹入玉人簫彈與北枝花上淚千點點有東
風不肯消

釣船笛

韓侯釣臺下作

清角起淮城寒緊拍天風浪底事不留英傑笑乃公將
將 枯荷野鳴小洲前卻愛釣絲漾何似客船吹笛過

南昌亭上

淡黃柳

賦曉色

河斜月淡啣喔鄰雞急遠夢初回窗影白纔辨鞭絲帽
帶催起勞勞早行客 度阡陌煙中樹如織何人破新
霜跡料梳樓倦眼開難得一路惺忪半村微亮腸斷玲
瓏唱出

樊榭山房集 秋林琴雅二

十

秋林琴雅二

樊榭山房集外詞

錢唐 厲 鶚 太鴻

秋林琴雅 原三十五闕編入正集十一闕

倦尋芳

未遣一揚州與江佩水別三年矣辛丑春日在都下
前麻橋重見于程蓉榭齋中話舊悽然因製此曲
水萍不定煙月無端人海逢又曲曲黃灣空老那回楊
柳十二街中燈過五十三樓上寒銷九數年華但簫沈
夢遠鏡窺吟瘦共細乳分茶清畫門外塵縉儂定能
否淺碧西山羸得此懷如舊相見猶憐雲聚散相思應
在花前後似分明話秋池雨窗時候

樊榭山房集 秋林琴雅三

花發沁園春

瓊花觀春宵小飲
柳鼻新栽杏開初嫁竹西自古隋苑因風側帽借月窺
簾九里繡街行半青旗影轉攜酒訪深沈瑤殿正扇暈
寒拂飛鸞釵光明動樓燕雀可惜司花不見繞無雙亭
前細訴清怨香樵玉悴雨絕星移十二畫闌天遠傷心
未慣聊一醉問春深淺念草草約伴籠燈吳船江上歸
晚

聒龍謠

虎正

鬢影春船鈴風午樹一徑松門苔繡北去南歸帶幾番

歌酒聽歌侶畫壁無蹤覓酒伴卷波非舊祇年年小泊
情懷渾相識半塘柳吟邊石望中樓罨歷亂墜絮拋
殘芳畫客心孤迥更闌干垂手過清明尙未還家問燕
子定巢能否者些時吳水吳山盡成迤逗

百字令

南表忠觀懷古

雲旗風馬見虬姿髯英雄徒步啼得羅平妖鳥盡自
向錢塘開府玉冊樓高錦衣城壯百萬貔貅駐江神心
折迴濤先避強弩休說宋五經兒東南霸氣三世偏
能據天遣山河都姓趙拱手還歸眞主麥飯空祠柳圈
寒食緩緩歌遊女蘇碑仍在眼前龍鳳飛舞

雙樹山房集 秋林琴雅二

二

霜天曉角

華秋岳松月圖

查牙老樹記得何年遇攢出翠鍼千百是妙手新栽處
過雨涼月吐紛紛清影舞孤鶴不成秋睡又翻下半
空露

南樓令

醉仙圖

無夢到槐柯蓬山自踏歌酒逡巡頃刻花多有酒有花
吾事辦呼冷月出滄波落珮任顏酩壺中一太和儘
長年銷得婆娑便道老仙眞箇醉人世醒待如何

玲瓏四犯

南屏和徐紫山韻

九疊匡廬恰宛在湖南松雨新染畫出青紅斜照玉簾
閒展隨意捨卻划船指竹尾數峰遊徧聽下方鼓笛聲
來穿塔冷雲遮斷暮鐘初起僧歸遠碧玲瓏有人句
管重尋凍水崖碑在零落釵痕蒼蘚還問劍氣長埋一
側魚燈吹散唱夜涼山鬼紛萬古騷情亂

八寶妝

孔雀

影孕初成花屏未落只傍瘴煙腥雨萬里攜來闌檻裏
文采愁他相誤金盆新水一泓地錦安排濃春時雲婆
娑舞誰惜明妝圓翠矜誇兒女暗憶勞竹叢深鷓鴣

樊榭山房集 秋林琴雅三

三

啼殺舊棲知在何處怎肯供榕陰珥戶且聊向藤籊閒
住待升卻聯拳左距莫迷秦客舉芳路正貝葉香清佛
鋪有日歸依否臨鐵論南方以孔雀珥門戶鄧椿畫繼宣和殿荔枝結實
孔雀在其下召眾史圖之各極其思華采爛然但孔雀欲
升藤整先舉右腳上曰未
也孔雀升高必先舉左

掃花遊

白石蓮花燈

曲寮夜迴正裊鬢茶煙一枝斜颭玉餅數燄勝驪山琢
就暖泉香汎水月分清葉葉釵頭乍斂最淒黯是霜苦
校書虹冷談劍升降吹素豔恍照破秋心滿懷蕭澹
六時漏點更東林夢去岫深苔掩絳蠟啼香幾許風情
自感小憑檻捧重臺妙明無染

金浮圖

元中峰禪師遺履在雲居寺

松門碧千秋講席不借猶存素絢如昔想高僧定後工
詩筆養就新篁自具參天標格踏破山青雲白雙趺解
處游戲何人識 蛛網積堂空磬寂未墜真風笑他留
隻茫茫大塊同為客回首連昌薛暗文綦跡幾輛軟紅
可惜攜看過午葉響煙林側

高峰謂師是
芋上林新篁

三部樂

流求紙

瀛海荒唐訝未識蔡侯素濤懸影一簾花雪輕揭煩他
文頸早傳徧山北山南坐鬪鏤樹底石几鋪淨碧環島

樊榭山房集

秋林琴雅三

四

女可有譯書題贈 坑灰昔時乍冷說先秦采藥爨
誰證鬣帆又移近浦星槎風定展松紋乍磨翠餅須分
寫歡斯異境身世似粟蓮鬚外天水遙永

歡斯流求
族姓也

水調歌頭

訪吳丈志上寄老庵

撫景不自得奈此綠陰何試尋北郭隱處亭角掛煙蘿
門裏簾櫳如鏡門外帆檣如薺靜躁隔無多夫子一邱
壑舉世盡風波 枕琴眠看雲坐采芝歌老來苒苒奚
事圖史日摩挲與我周旋作我不恨古人不見鶴鬢任
教蟠蟬亦愛清境流響出庭柯

澡蘭香

五月十一日臯亭山下競渡

霞翻浦樹雪濺汀蓮疊鼓彩虬欲起梭船貴買鏡檻先
開盡逐鬧竿游戲定何年鳧羽淩波風光留人似此打
扮杭州十里銷魂煙水棹轉盤渦更險爲憶山前受
降遺事花釵翦文麝粉吹菰越女但知沈醉瞥回眸眾
裏盈盈行雨防霑羅袂念散後夢繞湘雲涼悞新睡

競渡權歌朝了霍山朝
岳帝十分打扮是杭州

買陂塘

題洞庭龍女圖隱括湘夫人辭

白雲來洞庭渚北雙眸眇眇愁子秋風乍嫋層波遠木
葉翻飛如雨期又阻獨騁望蘋中不見巢青羽相思欲

楚樹山房集 秋林琴雅三

五

訴悵澧有紅蘭沉生碧芷公子杳何處朝馳馬忽向
江臯羈旅佳人邂逅低語未能騰駕偕煙逝築室水心
如許蛟瘦舞算只在椒堂荷屋香蘅宇襟遺南浦看霓
帶繽紛九疑迎得聊以共容典

金縷曲

白燕和紫山韻

掠影分池面訝今年社前初到練拋雙翦珠館何時歸
去後不定翩翩風顛還細認謝家深院卻怕芹泥輕泥
得舞爭高月底依稀見銜墜絮舊巢伴倚紅杏處花
微歎恁休誇烏衣輕俊羣遊非慣飛上銀簷相比竝已
別春溫爐炭簾下誤玉人低喚莫是灞橋寒尙在阻鈿

車寂寞音塵斷看弱羽帶流霞

湘春夜月

當歌有感

翦春燈越羅無奈寒侵裊裊乍嘯鶯吮清絕月穿林丁
字竿垂簾下恐落梅風起吹散難尋算世間只有酸甜
幾拍堪訴情深朱顏暗換錦屏迢遞千萬沈吟搵透
啼衫知那裏弄絲煙柳猶繫人心鱗乖雁阻寫翠牋誰
是知音恁怨咽縱當時聽得愁眉早聚何况而今

憶少年

朝雲湖上春風門外非煙牆畔行來似無力好花枝微
顫評泊圓姿應未見憶長蛾碧山俱遠清宵夢難到

恨雙雙銀蒜

戀繡衾

羅屏低隔塵繞街冷香茸初卸小釵見說道分攜近悄
無言愁黛費猜雁燈花共珠啼墜寫烏絲剛捲又開
始信有銷魂賦最銷魂蘭槩未催

玉樓春

銀塘冰泮晴波溜照影獨來凝立久一痕風帶不須寬
兩翦山螺依舊秀釵梁蜂蝶勞纖手底事暗驚朱粉
瘦欲絲未絮恰纔芽漸逗新愁渾似柳

清平樂

香塵不起鏡屨清於水親試盤鴉簾影底細雨蘭膏微

賦 徘徊欲就雲綯些些轉側橫波聽得花冠唱也料

應塔日斜趁庚信賦盡 抽鏡屨

賣花聲

豔韻徧芳蹊幾字高低宋牆東畔謝橋西喚到將離春
事減腸斷紅聞解語定淒迷留綴鸞篋香隨口角賤
如泥猶勝風欺并雨妒分付鶯啼

鳳凰臺上憶吹簫

瓷簫

紫竹猶多白牙翻賤別有哀玉清圓盡奪得千峰翠色
寄與秦仙一夜秋生指下通宛轉星孔勻鑄瓊枝瘦脆
管似鴉輕騎如蟬誰知越寄古製好吹出氤氳五色

樊榭山房集 秋林琴雅二

七

飛煙莫負卻青鸞素約冷倚襟前風外花甌共夏修新
譜悠咽逾妍空明境依約赤壁回船

水龍吟

題董羽出水戲珠龍圖上有御前之印并宣

和御押

千年紙土風雲弄珠飛出宣和殿滄波涌雪銀鱗墨爪
騰空如練閒卻綃宮橘花開盡有何人見只豢龍舊姓
毘陵啞子吹腥雨穿枯硯回首天家頓遠尙塵中匆
匆流轉神湫易改青燈素壁鎖痕休斷笛裏吟殘校邊
眠熟不勝清怨望冰簾影外香銷幾縷海山秋晚

賀新涼

秋日登八詠樓

衫袖秋情逼倚闌，一時收盡金華山色多。
謝連朝西風緊，吹我萍蹤江國又。吹上層樓，孤立欲洗胸懷忙。呼酒但溪聲西去，鴻來北雲渡水天爲黑。參差城郭今猶昔，念休文一麾去後，聲名輝赫，宴罷樽前，惟家令老妓依然相識。惹滿座傷心，皆泣大好東田歸應早，便詩傳八詠真何益。聊小住聽漁笛。

詩人宿真同益願小出離塵俗

奴始然林蕭瑟，蕭瑟與謝小書，雷大波東，雨過，嵐早，雨清。

難得念村文一，孰夫發聲，奇賦，極度，羅漢，前，謝，寒，合，聲。

願，言，新，徑，西，去，誰，來，非，雲，野，水，天，爲，黑，參，差，城，郭，今，猶，昔。

念，休，文，一，麾，去，後，聲，名，輝，赫，宴，罷，樽，前，惟，家，令，老，妓，依，然，相，識。

惹，滿，座，傷，心，皆，泣，大，好，東，田，歸，應，早，便，詩，傳，八，詠，真，何，益，聊，小，住，聽，漁，笛。

樊榭山房集外詞

錢唐之屬 鸚鵡 太鴻

秋林琴雅

原四十一開編
入正集十三開

瑤臺聚八仙

題徐丈紫山黃雪山房在學士港口湖山幽

勝處也

湖影拖藍門巷冷秋氣盡在茅檐掉頭歸興隨分繡了
霜鐔一夜幽蛩聲乍咽小窗幾片葉聲添正吟酣瘦節
得意黃徧千巖心空掃屏豔冶便後身似住雪北香
南渭水西風塵土亦復何堪閒開琴趣自賞祇相識孤
鴻半捲簾籬花候愛有名濁酒無用閒談

樊榭山房集 秋林琴雅四

水龍吟

雪中憶西溪

白天碎碎飛絲打窗又是年時雪火銷香鉅凍膠吟管
傷懷念別前度衝風江南江北酒旗明滅似寒鴉身世
驚棲不定歸來後欲華髮心無事無人能說憶西溪此
中清絕壓蘆浦冷吹花橋斷玉山遙列三兩煙舫捕魚
初罷柴門如月便長鏡荷了自尋黃獨也堪怡悅

點絳脣

燈夕同宋杏洲周少穆集吳尺鳧瓶花齋

柳院燈疎

史達

朦朧淡月雲來去 年華似羽 無計相

分付

毛滂

萍梗孤蹤 往事隨風雨 君知否 煩君

妙語

王沂孫

留我花閒住

姜夔

渡江雲

題汪祓江紅藥橋邊吟客圖

蕪城當此際，峭風捲雨，黃柳尙蕭疎。玉句亭畔，月底事
飛來，澹彩照西湖。襟情雪鍊儘，乾坤清氣，偏孤同調處。
花閒花外，麗句也堪圖。何如二分無賴，十里銷魂記。
樊川前度，閒瘦損燈邊，藥葉上盤盂。君歸爲問花安
否，想豔紅依舊，紛敷春夢闌。江南夜，夜啼烏。

綺羅香

送紫山之秣陵和留別韻

象管題花，冰絃彈雪，難得詞場同氣。白髮相逢，眼底何

樊榭山房集

秋林琴雅四

二

論餘子已闕，破竹屋藩籬，更探取梅溪涯。淚喜從今軟
繡湖山，青旗風外，踏歌起。無端堪此小別，凝竚浮雲
墜絮，離蹤應似舊院煙銷去。問秦淮春水，待肯寄硯北
香牋，還勝寫江南眉。史夢隨君，片月斜明，鶻聲帆影裏。
六么令

春陰

雲留春住，濃興恨重疊。欲飛雨絲還嬾，水際天低帖。漠
漠穿簾，疑暝燕子愁時節。誰家羅襪，翩翩無影，惟見沿
堤草痕接。風姨空帶，妒性未解，輕吹裂閒壓。幾曲疎
闌盡，上眉心，結最不明。似夢欲說終難說，樓東悽絕
芳期仍誤，錯認梨花是斜月。

摸魚子

簡吳尺鳧

乍歸來參旗還轉清幽繡谷無恙蘿垣拂翠低桐塢時
有鳴鳩相向菟討廣愛似爾詞人心力拋非枉輕煤佛
帳更換芋書多彈蕉文好點筆石闌上當年事復壁
應堪惘悵揚舡洗眼頻望披襟不比燕臺雪佳月新燈
春釀難競爽寫雙調吳蠶食葉毫尖響澄湖裂浪約曬
筇秋晴碧山如髻漁笛譜漁唱

尺鳧近和予臺城路咏筇二首最工

臺城路

富景園宋史所云東園也舊在新門外今草
橋門內近城卽其故址空池喬木閭巷蕭寂

樊榭山房集

秋林琴雅四

三

子每經行不知古情之頓深也

生年落拓東城下溪雲素心都負跡似潛夫身如灌圃
只記南朝衰柳牆根井口抱一片晴沙眼波微溜縱不
關愁露桃愁到不言後探春那回行徧冷餉猶未賣
人尙中酒藏謎花樓戲嬰水館別有憑闌紅袖新煙信
否過幾度酸風翠梢眉鬪竚立誰知暝鴉飛去久

又

南湖感舊和蘭嵎韻

陰陰古水橫寒綠誰家繞門煙樹十載閒踪三生昨地
銷得吹香詩句眉彎老去剩暈秀遙山半低晴渚盡日
人稀碧蜻蜒胃蓼花住傷離還有舊伴周情兼柳思

檀拍無誤岸缺連雲闌空進月絕憶單衾眠雨幽悰未
苦更草暗王孫待歸遲暮欲覓風流問鷓鷯不語

楊誠齋
贊張功

甫像云約齋子方內歎方外歎風流
此窮愁歎老夫不知君其問諸白鷗

又

五月十八日東城閒居風雨騷屑忽動吟秋
閒人不作閒居賦新涼遽侵槐夏徑暗雲生池鳴雨到
誰共聯牀今夜平林急灑便招得秋風扇情疎謝十載
江湖起看窗畔釣筒掛須聽田水瀉瀉插秧殊未晚
盈耳陶寫屋捲重茅籬觀朝槿此意從無知者殘書嬾
把料城外荷聲小樓清野夢遠重尋白頭燈底話

樊榭山房集

秋林琴雅四

四

賦詩又

用儲華谷韻

銷魂橋畔青青樹猶似此依戀卻扇涼肌垂釵秀髮
爭得微波心暖花遊易斷早吹散尊前豔歌珠貫說與
鴛鴦晚汀自結綠陰伴重樓依舊十里小屏留倩影
歸路猶短七孔鍼邊雙蓮節後知否移燈書怨行雲不
管悄悄了盧家玳梁棲燕好比江臯弄珠帆漸遠

又

懷大滌舊遊

白雲多處飛仙住相思與雲爭繞泥酒衣單修琴歲換
香落來時瑤草塵緣未了見舞罷山香墜花侵帽瘦卻

詩肩翠匳看影自成笑 清遊無伴最好亂峰開九鎖
曾許行到石腳跳泉松髯滴露千古長懷坡老何堪俗
擾待寄語芝童洞天仍埽一覽篝燈浩歌星斗曉

月下笛

送周少穆北遊兼懷是諫在上虞

草長鶯啼江南節物送君南浦無情弱櫓慣話聲聲離
緒抱蘭絃空山共期滿衣雨雪生妙悟向游塵撲馬垂
楊籠袂此懷誰訴 杯行易盡挽碧水東流晚煙何許
勞歌散處便是衰燈孤旅太飄零未垂鬢絲壯心好在
如意舞雁書來試問看碑有客先寄與

摸魚子

樊榭山房集 秋林琴雅四

五

咏窩絲糖迨和陳迦陵韻

翦瓊霜翠蓬深處葱纖費盡料理果匳已逐銅仙散異
味何人能嗜勿利市勝猜徧晶貌玉乳雕闌底春絲若
此想埽雪三千揀花五百甘冷未沾齒 冬郎去塵滿
金鑿密記多情樂府分製等閒粉繭消元夜偷裹銀泥
衫子評泊似也不似君謨遠貢輕紅荔燕姬解事悄比
並當時鏡鸞撲碎墮馬一窩細

瑣窗寒

爲吳畊民賦因樹亭

老絲迷空閒園已過百年風雨陰陰幾日得意鳥聲喧
處儘無人欷牀勘書碧浮篆蚓簾波午話洗桐舊事移

橙佳境問梅清句 前度鷗朋聚笑對影忘言覆棊非
誤江湖散盡冷淡杯泉衣露料中宵桃根共攜待將片
月臨翠羽領秋光未要深山踏葉橋邊去

蘇軾登白茅

容西藥會偶閱瑤華集載紫山此調愛其婉麗依韻和

山無情買之誤

吳文英書對窗與西士

引愁來伴愁住眉長眼細愁無貯處染得桃花似醉倩
雛鶯趁閒喧破翠衾睡應悔月沈鉤語未盡匆匆分袂
離悰怕覺歸展柔羅補淚怪淚痕近時都化苔生砌

驚起社前等燕巧夕藏蛛小蟳輕笑難道何曾省記便
證絮拈萍與伊爲誓而今異昔漸檀霞褪歷玉香銷臂

樊榭山房集 秋林琴雅四

六

悄立閒庭劃損瑤簪春又相棄甚日逢迎不枉丹青寄

蘇軾南浦

玉几久客真州不得消息歌以懷之

分手隔年期問而今忍見清陰如幄搖曳箇蟬鳴懷人
句還似淒然同作吞花卧酒兩湖煙月都蕭索應爲青
山無計買只把薄遊銷卻 長安飛雪深窗與梅花主
客西溪會約歸到定秋陰悲秋意仍在小園籬落今晨
剝啄翠篁風動敲疎箔何事因循書不寄知倚那家江
閣

百字令

六月望夜宗陽宮老君臺玩月括楊仲弘詩

老君臺迴夜涼多如水，卧看分明穿出冰輪松桂外。
更將轉三更大地塵消，山河影小風露上，頭生寒侵環
珮。九天飛過無聲，誰喚絕唱楊郎龍蛇竝，起金榜埽
初成，咎鳳鞭鸞遊賞極。玉纖雙載吹笙，不信人閒輪
才調，猶阻弱流程。醒心今夕，此身真到蓬瀛。
謝西子妝來，恨眼頻傳，香爇珠蘭，素衣
歛榭何峰穿蒼，那樹步過綠陰斜徑，天然十畝瘦西湖。
恍相思，采蓮人靜，闌干更迴，壓風鷺絲飄不定，遠香生
頓夢辭冰簟涼歸衫影。攜幽興，隔竹山童小煮紅囊
茗。一篇秋水趣無多，澹娟娟柳深沙淨，疎蟬曳暝看催

展綃煙籠鏡，任螢飛自照回塘夜永。

樊榭山房集 秋林琴雅四

七

映雲夢遠覓鬢底，瑤肪悄在秋苑露朶半欹，遮住青鸞
輕扇。絕憐淡雅風姿，只隔幔紗遙見涼颺度，嫣然笑拈
鬪埽初縮，銜來貼地腰軟，稱香浸銅瓶，幽素零亂脆
萼猶函黃粉，何事吹綻。幾日靜抱花愁，恩重碧潯芳宴
闌影外，琤琤再敲又晚。
貂裘換酒

得子珍廬江書詞以代答并及繪友消息
世事今無味，卧風前晚涼岸幘停雲思起，驢背黃塵歸

先後不道分攜似此似社燕秋鴻相避巢姥湖邊安吟
笈弔曹公寂寞英雄地歸不速負春水 草衣我亦隨
緣耳愛東園清蟬古木說羲皇意一卷傳來天台句移
得泉聲在紙定袪暑明朝都洗屋角斜陽明沙外剩斯
人近又遊燕市竹溪約幾時是

徵招

爲蔣丈雪樵賦

忘機石止行歌去清寒自然堪耐萬玉綴疎林笑青山
顏改徑迷歸鳥外怕埋卻幽人蘿帶白斷溝中溼侵焦
尾問誰能買 南北兩番風仙家事重看冷塵飛灑酒
熟倒葫蘆有山童相待梅花猶可戴指千古煙梢春在

樊榭山房集 秋林琴雅四

八

會心處與伴披裘已洗空銀海

獨背低花一欠伸舊攜手處綠生塵怪他鸚鵡語如人
未肯無情拋好月長將多病伴濃春樓中凝望鏡中
顰

踏沙行

湖上有感

展齒沙痕鬢絲煙影十年迷卻探春徑憑誰重唱竹枝
歌淒涼不是當時聽木敗舫紅凋危闌香凝湖風還我
登臨興梨雲柳霧捲俱空而今纔放青山醒冰凝水澗
摸魚兒

七夕雨中集小山堂分得漸字

問天邊如津何許今宵銀浦偏暗巧棚兒女關情事贏得英雄悽黯渾是感算雨雨風風盡把心期賺青樓夢澹任不嫁娉婷應須覓箇羅屋竹香掩開襟話洗出平池菡萏詩思多在涼簟秋光挽住憑杯酒莫放鬢霜來漸雲半斂傍幾葉高梧浙瀝聽殘點溼蟾未減恐靈鵲明朝訴伊辛苦花水羽衣染中平是日與公贈詩與宋王感阮郎歸天恩重天眷崇恩林聖草代一十殘香漠漠雨垂垂寒輕猶戀衣無端筆柱似佳期參差常暗移慵曉起怕春歸咒教花放遲桃花也有念人時倚窗窺畫眉

樊榭山房集 秋林琴雅四

九

洞仙歌

秋陰

癡雲何事做人閒秋窄倦柳衰蘭更無色想登山臨水宋玉愁多風吹去遮盡湘天暮碧孤村煙草外一片淒迷白鳥明邊倚樓立情味近中年最怕傷心都付與數聲長笛問那處天涯有斜陽待雁寄書來定知消息清平樂

宿符聖基秋聲館同幼魯作

酒香人定冷落黃花徑吟到江楓寒未勁雨入餅笙堪聽自饒宋玉才情何妨榜以秋聲今夜秋聲重做斷雲新雁程程

秋林琴雅四

樊榭山房集 秋林琴雅四

邃古以來生而神靈之君莫如黃帝恒以太乙與天目
在四維之歲乘龍而四巡彭祖前驅松喬俠轂入空桐
禮廣成子遊玄圃禮雲臺先生謁峨眉見天皇真人封
東岱奉中華君之具茨事大隗入金谷諮涓子過楓山
見紫府先生所遇皆超絕塵埃之真人後世迂闊之鯁
儒拘曲之愿士覽真源抱朴之語輒適適然驚疑而不
信吾欲家到而戶喻之而不勝辭費也夫後世之所謂
神仙不死之徒亦不過於億兆庸人中獨能離去葷濁
絕滅嗜慾卽可以長生而久視而以聖王視之彼所謂
方丈麗農之區不能不囿吾域中囿吾域中猶吾食毛
踐土之百姓也皇帝撫萬靈函九夏水宿星飯皇然不

樊榭山房集

迎靈新曲序

一

得寧居出而省圓首之疾若彼爲神仙者猶復逍遙晏
安藏匿而不肯一見斯亦女青之律之所不宥者也西
王母在極西之國見於山海經爾雅不爲無稽也自黃
帝後而堯見之而穆滿見之而漢武見之彼非所謂育
養天地洞陽之極尊者耶而猶恒出而爲世主見則凡
許玉斧葛稚川者流幸而長不死尤欲得有道之君而
引伸其說崇闡其教惇惇然亟欲貢其所有以顯靈異
於人主亦事理之所必至矣

刻入金谷精府七靈山
今上皇帝紀號之十有六載巡省方俗臨幸浙土洞天
福地吾浙什嘗占其三四四明龍蒼台山靈異勝迹往
往甲於天下神仙窟宅於此雲氣往來豈無聞見或化

而爲嘉禾瑞穀以答六符之祥小世而爲靈
聖主之憂勤或變而出喬雲醴泉以示蒼昊之靈贖
今上皇帝特厭棄文成五利之所爲命珥筆執記之臣
削封禪之文剗符瑞之志曉然示天下後世以六五帝
四三王之大道瓌珍異寶所在皆有環溢心目烏睹所
謂使者四出以求神仙耶且吾固疑有仙骨者苦無仙
才木公金母之辭本王嘉所僞作眞誥所載雲林右英
之詩皆拙晦不可曉降而至于呂嵒葛長庚丹經道曲
義淺辭庸無當於騷雅之選道藏中文集之繁富者莫
如陶通明杜廣成然求其一篇一句之傳誦於人口者
而不可得使其奏雲璈吹玉琯自撰歌曲樊然雜進於

樊榭山房集

迎鑿新曲序

二

文德誕敷英略不世出之聖主之前將恐其逡巡羞慙
而自媿其措辭之不工則所謂飄飄有凌雲之氣唯吾
儒之健於文事者能勝任而愉快矣吾友樊榭甌亭兩
先生有揆天繪日之才藻而恥蹈襲揚馬之常故獉狝
其辭詭譎其體借喬張之雅調傳佻僑之逸事率先衢
歌巷舞諸父老迓

六飛於天上被之筦弦次第進御

聖天子止輦而聽之每奏一篇稱賞不置雖俳優乎使
枚臯東方朔若在舉力而爲之未能有加也嗚呼悽矣
愚者輒河漢其言子爲揣物情徵往典從橫論列以批
糠一世之塵濁使知授符降斗之祥不得專美於黃帝

而
聖天子一遊一豫彼神仙者皆可折箠而使也二君子
所稱述詞曲云乎哉秦亭老民杭世駿

不兼乎願也
予古然謂漢志則巴渝惟楚之音俱備於乎世而其人
然稱洛山子為子之歌時勢雖殊其義一也元人如
而為曲要亦樂中流別之以時而變者今

天子建中和之極

聖母南巡

願君莫以

樊榭山房集

迎鑾新曲杭序

而自婉其
為之健於
生有煥天
其辭詭論
歌卷新諸
大飛於天
聖天子止
世稱銀隨
聖天子一
序

世之
序

予攷尚書大傳重華省方義伯和伯而下各以八方之舞進曰舞則歌在其中矣夫省方進樂蓋以美盛德之形容其義主乎頌而八方各陳其土音則其義又未嘗不兼乎風斯六義之所以交資也後世之樂未足以語乎古然讀漢志則巴渝淮楚之音俱領於奉常而唐人盛稱魯山于蒿于之歌時勢雖殊其義一也元人始變而爲曲要亦樂中流別之以時而變者今

天子建中和之極躬奉
聖母南巡至吾浙東西老幼士女歡聲夾道吾友杭人厲君樊榭吳君甌亭各爲迎

變新樂府其詞典以則其音噌吰清越以長二家材力

樊榭山房集 迎變新開序

四

悉敵宮商鍾呂互相叶應非世俗之樂府所可語大吏令樂部奏之

天子之前侑晨羞焉昔人以此擅長者如元之酸甜諸老明之康王不過以其長鳴於草野之閒而二君之作上徹

九重之聽山則南鎮助其高水則曲江流其清是之謂夏聲也矣爰爲之弁其首鄭全祖望

序

錢唐金志章江聲

法部雲韶雅樂傳清詞字字貫珠圓粲花才子生花筆

合浦仙音各鬪妍

笙鶴瑤天夙出塵湖山春麗日華新白靈擁衛羣真集

齊捧三漿壽

一人

詞源三峽湧波濤刻羽移宮調最高鳧藻一時歌燕喜

九重天上響雲璈

樂府新聲妙抑揚南推高史北喬王鈞天試聽迎

鑾曲未許前人獨擅長

仁和吳廷華東壁

樊榭山房集

樂新曲題辭

譜得迎

鑾法曲新廣場二月播陽春西方壽佛西王母都作瞻

雲就日人

詞客毫端雅奏多十平大樂協中和廣颺他日金華殿

還進康衢擊壤歌

一人 口口蔣德秋涇

重見神人啟玉函帝車南指五雲銜誰翻絕調迎

鑾曲法鼓仙墩總不凡

現來天女將花散幻作羣仙駕鶴迎不是一時雙綵筆

紫雲何處寫遺聲

錢唐丁敬龍泓

孝治真堪邁百王

慈官親奉九霞觴新聲擬祝無疆壽才子迎

鑾各擅場

羣仙爭集百靈趨龍笛鴉笙調自殊碧落空歌誰敢和

笑他郢雪祗區區

析角分宮未易才共將藻思瀉瓊瑰一時駒豹爭聲價

曾唱鈞天法曲來

詞筆湯徐信老成同時對壘合爭衡南湖花隱歐亭長

他日應傳供奉名

錢唐汪沆西顛

仙音兩部協宮商曼玉駢珠各擅場此曲自從天上奏

樊榭山房集

迎鑾新曲題辭

二

不須樂府數康王

萬國歡心奉

一人親扶紫屬駐湖濱山呼不是虛無事

帝德懷柔及百神

山海仙靈絳節朝花明

行殿競雲韶欣知

聖母西方佛聽慣瑤房鳳唳簫

新詞譜出合笙鏞雙管真堪峙兩峰卻笑粗才晁協律

祇歌並帶有芙蓉

仙官祁門馬曰璐半查

萃宮真調水仙子

黃鐘宮

東都詞筆柳秦妍北地新聲關馬傳西京樂府康王擅
迓鸞旂奏

御筵太和音雙管齊宣價重雲韶部名高黃絹篇抄徧
霞箋

錢唐陳章竹町

調折桂合篋調

譜梨園兩部詞章味合酸甜響應宮商不演參軍不編
待制不唱中郎百靈走烟排隊仗羣仙會雲翦衣裳宋
豔班香

玉輦南巡供奉

君王

滿洲舒瞻莖畝

調清平樂

升平雅奏付與雕龍手二妙一時真罕有記曲費他紅
豆譜成山淶湖光傳來刻羽吟商五色雲中扇簞
九重天上絲簧

平湖張雲錦鐵珊

調慶春宮

八神弭節七聖隨車

翠華南幸重觀熊館花明鵠池柳細一時行幄同扈粉
箋銀管話多少迎

變詞賦雙成妙曲誰似仙韶舜瞳曾顧付他關馬名

流周秦好手也難翻譜移宮換徵錦心繡口繪出升平
春宇六橋三竺儘贏得錫簫茶鼓魚龍爭演壓倒東嘉
瑞光交處

錢唐張湄柳漁

調齊天樂

和聲雙鳳穿雲叫天上人閒都滿調協黃鍾韻飄白雪
壓盡錦城絲管幔亭何遠儼三島羣真驂鸞陪輦王母
蓬池小桃紅映水清淺漫論馬枚遲速翩翩詞賦手
總輸歌板絳樹千圍驪珠一串好趁花飛鷺嘯重瞳迴
脊正湖鑑澄空山屏翠展雅樂流傳補

省方盛典

樊榭山房集迎鑾新曲題辭

四

香文口口周宣猷雪舫

香玉調臨江仙

一代酸甜誇並轡香荃齊按金徽蘸來湖淥點山霏虞
廷雙玉瑄漢院五銖衣福洞仙真都活現九天鸞鳳
爭飛
至尊含笑駐雲旂漪風聆鞠部曳綵看支機

調齊天樂

錢唐張湄柳漁

題辭
香宇六橋三竺儘贏得錫簫茶鼓魚龍爭演壓倒東嘉
瑞光交處

樊榭山房集外曲

迎 鑾新曲首套

羣仙祝壽

第一折

老生扮許邁引仙童上

孤芳不蓬萊欲識蓬山仙界看簾風吹斷紅埃丹葩紫

草芳蕤一片傍砌分栽

樓閣參差護碧烟山前山後盡芝田桃花日日隨流

水長伴仙翁不記年自家許邁字叔元名列止真位

階仙苑乘鸞跨鶴歷三山五岳之奇煮石烹茶齊碧

海青天之壽只因俺性嗜西湖故此時常棲止聞得

樊榭山房集迎鑾新曲首套

當今聖人恭奉聖母鑾輿巡幸浙水順省方之

鉅典喜觀天顏奉長樂之歡心咸欣聖孝意欲

約同仙真葛洪奏聞王母邀請境內眾仙恭迎聖

駕速去走一遭也

仙呂桂枝香竹飄虛籟山橫遙黛說甚變化壺中落得

逍遙塵外趁初陽正開初陽正開曦霞餐瀦眠雲敲靄

已是稚川門首了謾疑猜不為談元至相將謁聖偕

末扮葛洪上敢言抱朴平生志贏得參同此日閑見

介及違仙範近况云何末

前腔丹砂會西黃庭會解底用燕待羅浮剩有書傳瀛

海葛洪呵到於今騁懷於今騁懷聽得那濤聲澎湃禽

聲幽怪展青鞋詰曲穿花徑延緣泛水涯

仙真遠臨乞道何意老生

前腔 聖明當代乾坤交泰願億載笑展 慈顏便萬

里春歸 行在信神人允諧神人允諧帝巡書載王遊

風采古今皆瑞氣連闈闔歡聲動草萊

因此特過仙山同往瑤池奏聞王母邀集眾仙接

駕則箇末正合愚意就請同行

解三醒抱血氣尊親同戴合遠近天仙齊會合 颿車羽

輪西池界遙望見翠鬢堆瓊樓十二縹緲開弱水三千

頃刻來門兒外但見斑斑白鹿點點青苔

尾聲素蓮飄冰桃大果然風景四時佳試聽隱隱雲璈

樊榭山房集 迎 鑿新曲首套

二

樹外迴

生聲滿西湖諧萬姓 末歡騰南極擁千祥

生年年記取東風好 末長共羣仙泛玉漿

第二折

旦扮董雙成上

仙子點絳脣柳煥花明玉笙吹徹仙音院瑞烟如篆半

面重簾捲小旦扮何仙姑上 頭幾疊霓裳未許嫦娥擅

花枝顫舞裙輕轉待把鈞天演

旦掩靄祥雲映太清小旦吹笙絕藝說雙成旦仙姑

也解人間樂小旦重譜黃鍾第一聲旦俺董雙成也

小旦俺何仙姑也旦昨日王母大會羣仙設宴瑤池

說及你我二人俱係浙江人氏命掌仙樂演習歌舞
以備聖母萬壽供奉正是雅音傳 懿範昭格豫
神人道言未了王母早降老旦扮王母引眾女仙上
前腔絳闕風和瓊臺日麗開晴嶽彩雲扶輦朱鳥窗前
偃換永祝金釭率土同歡忭天心眷寶林仙苑歲歲欣
蔥蒨

火棗交梨取次嘗雲中雞犬任翱翔從今閉話長生
訣共仰管慈官壽域長自家西王母是也昨日於瑤

池席上會命董何二仙演習歌舞未知可精熟否旦
小旦已演習了還求王母指授老旦且聽我道來

黃鐘過曲絳都春序曰稽舜典論聲歌允諧惟夔克擅廣大
三

清明取象還將乾坤辨陽阿激楚新聲變後代巴渝
繁衍怎如今日呵武功文德賡歌帝載舞于重見來

小旦且念命董何二仙演習歌舞未知可精熟否且
前腔變仙眷深沈洞府把協律成章源流論徧始識元

聲只在天家通明殿雲謠月譜從容薦笑塵世填詞三
變算來此曲難聞錦水管絃都賤

老生末上遙聆白雪唱不數紫雲迴見介許邁葛洪
參見老旦二仙少禮老生末聖駕將幸西湖特來

奏聞王母邀集眾仙同去迎接老旦已知了可站
列兩階試看歌舞一迴丙寸番舞介合絳闕

畫眉序聲入九重天吐自朱唇一串偏似驪珠散迸萬

顥勾圓臨風度梁繞雲停催腔急鸞鳴鳳轉析宮分角
爭嘹唳這法曲世人知鮮

前腔妙舞聽張弦緩步矚瑜萬態妍但迴腰舉腕欲去
仍旋低昂袖底陋驚鴻輕盈掌上嗤飛燕柳絲搖曳嬌
難狀正一對翠盤佳選

老旦歌舞已畢就此同往西湖去也合

雙聲子餘音遠餘音遠曲檻外仁風扇嘉瑞顯嘉瑞顯
玉階下仙冀現語眾仙語眾仙導引先導引先記今朝
雅樂奏向鈞天

尾聲崑崙駕起祥雲便恰逢春色湖隄倩備下兩宮
歡宴

雙樹山房集 迎鑿新曲真套

四

階前百獸猶能舞 樹外雙鸞也助歌

况是神仙逢 盛代 可無雅樂奏金坡

第三折

老生上

雙角清江引喜翁天心俯順蒼生想法祖時巡講未
上三千禮樂彰百二河山壯合今日箇迎候 翠華仙
子往

老生俺許邁奉王母之命邀請浙西眾仙今已約下

了宋俺葛洪奉王母之命邀請浙東眾仙今已約下

了見介老生請問仙真邀的那幾位未俺邀的劉晨

阮肇黃初平劉綱桐君五位請問仙真也邀了幾位

〔老生〕俺邀得蔡經一位末爲何甚少〔老生〕浙西神仙不少因王母只許邀請上入洞神仙其餘散仙未敢擅請况合你我二人已足八仙之數了你看白雲冉冉黃鶴翩翩敢是眾仙俱到也

〔前腔〕生扮劉晨上小桃花占斷天台港賺得劉郎賞小生扮阮肇上胡麻泛水香阮肇相將訪〔合〕今日箇迎候

翠華仙子往

〔前腔〕外扮黃初平上笑初平叱石成羊妄仙術靈嫌創淨扮桐君上桐爲姓氏詳採藥披仙篋〔合〕今日箇迎候

翠華仙子往

〔前腔〕副淨扮劉綱上問劉綱夫婦離塵網古木昇天兩

樊榭山房集 迎鑿新世賞

五

〔丑扮蔡經上〕麻姑鳥爪長蔡子思搔癢〔合〕今日箇迎候翠華仙子往

〔見介〕丑俺記得當初也是二位仙真爲首邀俺們恭迎 聖祖仁皇帝聖駕這話算來已四十年了老生當初 聖祖南巡深仁厚澤淪肌浹髓浙江士庶至今謳歌不已後來 神聖繼承到了 當今聖人因臣民之願望法 皇祖以時巡萬方同慶及互古以來罕見之盛典也

〔沈醉東風〕當日呵荷 皇祖恩波曼降 幸江南爲勸耕桑兩峰柳影中三竺泉聲上將民瘼 宵旰頻咨訪〔合〕今日 聖聖相承重 省方端的是昇平景象

〔生〕俺記得當初湖上俱有一聖祖皇帝御製詩篇御書匾額供奉十景真覺湖山生色也

前腔羞說那柏梁篇漢宮絕唱羞說那飛白字唐家擅場篇篇律呂宣字字珠璣晃至今碑版燦天章今上駐蹕湖上萬幾餘暇少不得合灑翰題詩玉管香添勝境光芒萬丈

〔外〕俺記得一聖祖皇帝幸了杭州又幸越中也是這箇時節

前腔記當年颶輪幾行侍華游問渡錢江搜奇禹穴邊修禊蘭亭上見塗歌巷舞慶豐穰合桃綻輕紅柳吐黃正此際風和景朗

樊榭山房集 迎鑾新曲賞雲

六

〔老生〕俺歷覽史冊自古帝王巡幸不過文人學士賦詩獻頌而已羣仙祝壽真曠世所罕聞也

前腔休再說崔駟頌將主德揚休再說子雲賦把帝巡彰何如腰懸負局錢手曳壺公杖慈宮共祝壽而康合不是聖德巍巍邁帝唐怎得箇羣仙共仰

〔小丑扮劉海上〕醉眠松陰下閑過白雲嶺要去即便去直入晴霞影自家劉元英別號海蟾子燕地廣陵人也偶然游戲人間聞得浙江眾仙恭迎聖駕真乃千秋盛會因此飛行前來則箇見介仙真爲何瞞著俺麼老生因仙真籍非吾浙故不奉邀今既到此不妨同行小丑試看俺舞金錢一回者跳舞介合

清江引身居福地多蕭爽
久絕塵緣想烟霞舊願償
雨露今時暢形雲裏但聞仙珮響

尾聲人間休說桃源說
甲乙奚煩虛懸帳迎
鑾似此今古曠

扶桑曉日照瞳矐

天上人間望幸同

不用繁華循故事

惟將悃愾答宸衷

第四折

〔生扮仙童上〕好風吹縹緲琉璃幾樹垂楊正及時試聽
九重仙樂奏天顏有喜近臣知自家王母位下
仙童是也俺王母大集羣仙前來湖上恭祝
聖壽命俺先來此伺候真箇好景致但見寶鑑無塵畫

樊榭山房集 迎鑾新曲會

七

屏施采重重碧水護祥光隱隱翠巒籠瑞靄圍圍洋洋
高高下下真箇魚躍鳶飛呈氣象遠遠近近盤盤
旋旋果然龍飛鳳舞壯山川六和埴雷峯埴保俶埴
靈鷲埴錯錯落落埴邊鐘磬坐來聞柳洲亭放鶴亭
湖心亭冷泉亭參差差亭外暉陰閑裏見六橋外
六橋裏紅紅綠綠萬株楊柳萬株桃萬株南高峰北
透透迤迤無限風光無限景花宮繚繞層層壘壘若
環若衛峯自此而難飛春日融和舒舒遲遲以拂以
披泉從茲而勿冷遙接著祝釐的寶地瑤階碧瓦
霏霏郁郁焚香拜手百千春近連著駐蹕的行宮
鳳起鸞浮燦燦輝輝結絲懸燈十萬戶排列著軒轅

鼎鑊龍螭燧皇圖姬公籍齊齊整整萬幾有暇奉
宸歡准備著秋兔毫盤龍硯烏金墨軟玉箋灑灑洋
洋千首既成杼 睿藻雅雅魚魚班行鶴立螭頭上
都是些東馬嚴徐濟濟踰踰待從雲行豹尾前數不
盡臯夔稷契春省耕秋省斂九圻八字咸欣覆載無
私望如日瞻如雲異域殊鄉共信甄陶最廣怎見得
時值昇平洽浙水東西駟車繡幄招要似予下三山
要知道世躋仁壽徧大江南北白叟黃童慶祝 慈
宮稱億歲正是好將天上羣仙事畱與人閒信史傳
言之未了羣仙早上老且扮王母引女八仙上

北雙調新水合太平 天子坐垂衣徧震區一團和氣

樊榭山房集 迎 鑿新曲喜

八

攜鳧離海嶠騎鶴下雲屏合行傍 宮闈共瞻仰 龍
顏喜

男八仙上

南仙呂 入雙調 步步嬌聽一路熙熙歡聲沸 塵巷華封擬高堂
獻綵衣就養無方盡道 天家賜爲問海外十洲遊何
似身到三皇世

見介 老旦 眾仙俱已齊集就此西湖去也

北折桂合 御天風蚤到湖西只見乳燕飛飛弱柳差差
鐘響南屏月印三潭春滿蘇隄爭夏擊歌翻碧犀鬪芳
馨酒賣青旗須知道 德被氓黎應早是 喚動鳧鷖
南江兒水 男女仙合 雨足新茶焙湖寬舊水肥花迎

輦路幽香細禽鳴禁樹新聲膩魚遊靈沼織鱗侈身在
春風知未萬物咸熙願付史官頻記

莫老且來此已近行宮了眾仙們各整肅而進

北雁兒落帶得勝合正雲光覆殿低更塔影侵簾麗我
聖母祥徵華渚符瑞表瑤光異真個是周姜婦德齊
太姒徽音繼因此上渡蜃海迢遙路領璇宮福壽宜依
依看寶婺明坤位遲遲喜春暉朗殿帷

老且當今聖主尊親備至孝養兼隆洵古昔所稀

聞宜嘉休之並集也合東風普欲暮春

南僥僥合則見蕙草兒庭前出又見玉雞兒檻外飛合
舜饒堯樽承二歡笑天下臣民尊母儀

樊桐山房集 迎鑾新曲真卷

九

老且許葛二仙可將摘下仙桃恭祝聖壽者老生

未合便長養年天賦神功之長正談長繼代派合

北收江南這蟠桃再熟問誰知占東風管趁暮春期笑
當年曼倩幾偷窺喜纍纍子垂喜纍纍子垂急低頭再
拜獻丹墀

大老且董何二仙可將釀成仙酒恭祝聖壽者且小

且合和遊華清宮賦文詠其異異圖長周美賦斷齊

南園林好這酒呵勝中山千宵醞奇問阿姆餘杭兌未
莫再羨逡巡滋味須早把獻形闈須早把獻形闈

老且眾仙們可隨俺叩祝聖壽者眾叩頭介合

北沽美酒帶太平合漫道俺做神仙入世稀做神仙入

世稀也一般兒鵠立班行裏
萬歲嵩呼舞蹈齊望山
龍袞衣與千官同跪起紅冉冉花光明媚碧灑灑波紋
織綺韻幽幽歌聲輕脆嫋嫋舞衫舞袖不覺的神夷
意怡日迷問洞天應數西湖第一

〔北清江引〕羣仙祝 壽從今始熟得 朝廷禮山餘鳳
鳥鳴樂備簫韶細願歲年年歡似此

行宮高起接青雲

仙樂風飄處處聞

惟祝萬年綿壽算

慈闈常護 聖明君

錢塘縣國子生 臣 吳城恭填

樊榭山房集 迎鑿新曲首套

十

迎鑿新曲首套

樊榭山房集外曲

迎世鑾新曲次套

大觀百靈效瑞

第一折

且扮觀音小旦扮善財貼扮龍女雜扮十六羅漢四

金剛韋馱四揭帝神上

仙呂點絳脣瓊瑤飄揚寶冠搖漾天人相來賀吾皇

花雨繽紛降

某乃觀音大士是也從聞思修證圓通果示三十二

應現身普度有情諸佛子列五十三善知識羣依自

在大慈容入道在普陀洛伽山瑞像居天竺靈感院

樊榭山房集 迎世鑾新曲次套

一

福國佑民盡道是祈晴則晴祈雨則雨尋聲憫世真

箇是求女得女求男得男近日暫往海南遄歸浙右

恭聞時當今聖主俯允臣民之請駕幸杭州駐

蹕湖上際此民安物阜之時欣逢就日瞻雲之會大

好太平景象也行介寶原赫著天人琳來贊吾皇

混江龍吟仁風遐暢冀階化日影舒長說不盡三辰效

順五嶽呈祥講徧了納賈陳詩周典禮施徧了蠲租賜

復漢恩光勞牛酒問高年一箇箇童顏兒齒娛士女設

大醮一箇箇袈裟服新妝陳鹵簿有八十一乘屬車豹尾

權御舟過三千餘里巨艦龍驤昨年間上崧高山呼萬

歲往昔裏巡五臺佛現中央今日箇浮河濟達淮江臨

越甸過吳邦多只爲慰萬姓堯衢夏諺豫游心答羣僚
顏輿丙節勤拳望方信的 兩宮有慶景福無疆

且白緩駕香雲來此已是西湖地面了

油葫蘆掩則見百頃琉璃水月鄉繖微風吹細浪雙峯
高峙碧霄旁兩隄倒映青匳向六橋橫跨銀潢上點梅
花林叟家垂楊柳蘇仙舫識歡心黃鳥林間唱喜孜孜
長願奉 君王

行到孤山敬瞻 行殿正是不華不樸制度得中足

見臣民仰體 聖懷也合唱

天下樂暢好是一帶柔條繞苑牆紅也波廊俯練塘萬
花中界開樓瓦黃並靈臺不日成陋宜房爾許忙咄長

樊榭山房集 迎鑾新曲套

二

楊何太廣

且白 聖主睿藻冠絕古今發揮題詠湖山抑何幸

乎且唱

那吒令步春隄曉光看魚吞錦香聽鶯歌柳房挹荷風
水窗汎秋湖月航弄三潭夜涼鑲雲峰夕照低踏殘雪
昏鐘撞費騷人多少評量

鵲踏枝合扶雲漢揆天章瀉驪珠耀星芒攬取山川萬
態難藏舞俄頃蛟龍滿紙怪不得動 天顏常侍登牀

眾啟菩薩已到殿庭了且中坐眾分立介

寄生草唱碧嶂圍蓮界青松繡幢臺前臺後花開放
山南山北雲消長澗分澗合泉清壯印證了無來無去

妙明心方纔是不增不減神光像

善財過來小旦善薩有何分付且聖駕將臨你速

去召取大江以南至於浙省一切山祇海若整齊隊

仗迎護翠華須小心在意者

玄篇鶴鶴秋芳閣峩峩中印堂紫竹林當不得迎

仗白鸚哥當不得清葭響柳枝瓶當不得金吾棒好喚

取靈祇導駕莫畱連纔顯得神通護國能停當

賺尾治世轉輪王出世牟尼藏受海眾無邊供養怎

比得聖德神功流厚壤處茅檐願睹軒裳看朱方

五采飛翔且暫離青猊選佛場莫推辭雙趺滉漾雙了

搖宕雲兒閒駕青蓮一瓣到錢塘

樊榭山房集 迎鑿新曲套

三

小旦領法旨同下

第二折

末扮黃巾力士上懷柔溥徧浙河濱長願揚靈扈

聖君千乘載花紅一色人閒遙指是祥雲某乃黃巾

力士蒙大士法旨叫俺趨齊法駕隊子前隨諸神同

去擁衛鑾儀這早晚敢俱到也下生扮金山水府且

扮江妃上生某乃金山水府之神且某乃江妃合大

士召我等恭迎聖駕快去走一遭也

黃鐘絳都春序甍金鼇背小見璇宮湧來分明員嶠一

派南冷兩岸鐘聲搖昏曉且此中帝澤涵深窈指水

府鼉鼉梁造甍御風衣冷凌波步淺總堪前導

〔下外扮焦公小生扮陸羽上〕外某乃焦山明應公焦先〔小生〕某乃惠山茶神陸羽〔合〕蒙大士召我等恭迎聖駕快去走一遭也

咏木兒〔翻〕雲雷漢山姓焦黃犢廬空風葉掃〔小生〕刺舊時一卷茶經瀉花資第二泉邀〔合〕靜中細參元關妙幽人幸廁華林校惟有水月松風酬 聖朝

〔下丑扮矮王珣副淨扮靈崑山神上〕丑某乃虎丘山短主簿王珣〔副淨〕某乃靈崑山神〔合〕大士召我等恭迎 聖駕快去走一遭也

歸朝歡〔丑〕東亭宅東亭宅已改梵寮又何處令公喜惱〔副淨〕涵空閣涵空閣采香〔至〕香蓮句管琴臺剩妖〔合〕臨

樊樹山房 迎鑿新曲卷

四

風別彈南薰調太平 天子宸游好共把豹尾中間宿 霽消

〔下〕淨扮錢塘君末扮南鎮雜扮庚辰上〔淨〕某乃錢塘君末某乃南鎮永興公雜某乃大禹臣庚辰〔合〕大士命我等恭迎 聖駕快去走一遭也

出隊子〔淨〕涇河能報貴主還宮奏鳳簫〔合〕苗山金簡鎮南標〔雜〕同鎖支祈息浪濤〔合〕再拜雲旂須慶所遭

〔下〕雜扮越王句踐生扮王右軍上〔雜〕某乃興龍山主越王句踐生某乃會稽內史右將軍王羲之〔合〕大士召我等恭迎 聖駕快去走一遭也

滴溜子〔雜〕天垂念天垂念卧薪未老人懷古人懷古卧

龍尚抱甍茂林清流相照山光似永和千年過鳥唱世
際唐虞羣瞻柘袍

下眾神同上列位尊神請了眾除淨白天士命我等
恭迎聖駕俱已到齊只有西湖水仙王東海龍王
二位何故未到淨天士因龍王職掌東溟事務重大
命他同三位龍王往海屋添籌遙祝聖壽水仙王
兼管花神天士命他火急催花供奉御覽以此俱
不得出境耳眾原來如此

水仙子唱水府來山靈到約同心爲迎左纛東風喚一
路塵清瑞烟籠罩崕蹕何曾憚勞

同下小旦扮善財上諸神俱已前往便好覆天士法

樊榭山房集迎 靈新曲次余

五

旨去也

尾聲百城烟水游行早看盡風光佳妙好上覆天竺堂
中白玉毫

跳舞筋斗下

第三折

雜扮鼇精上巔巔蓬山首戴雜扮鼇精上曾因大禹
成梁雜扮鼇精上滄溟夜聽鼓聲長雜扮蛟精上解
化嬋娟形狀雜扮魚精上萬斛舟吞不飽雜扮龜精
上背隨人決行藏雜扮鯢精上胥潮日夜交申忙雜
扮烏鯛精上文字波臣無兩鼈某乃冠山侯鼈某乃
染指大夫鼈某乃知更令史蛟某乃橫飛大將魚某

乃千里伯龜某乃通靈使者鰕某乃泥中校尉烏劍
某乃喫墨小吏合龍君升殿我等只得在此伺候
仙呂入六么合雜扮東海龍王引二夜又上鯨波擘開
雙調射彤庭旭影杳恩兩曹掌事介鱗排齊俯首立瑤階蓬
瀛盡處雲成形

天水青銅一色磨升平重見不揚波誰知帝力臻
豐熟只道滄溟霈澤多某乃東海龍王是也已曾着
海童去請南西北海三位龍兄想就到了某道首
夜行船三雜扮三海龍王各引二夜又上鵬圖南運
煩神宰繞天池尺木飛來翻鯨翼低時蟾光落處翻應
坎位洪濤無賦

欒樹山房集 迎鑾新曲套

六

南某乃南海龍王是也西某乃西海龍王是也北某
乃北海龍王是也合東海龍兄請我等議事就此相
見見介不知龍兄見召有何台諭東當今聖上駕
幸杭州地近東海大士因海屋十座向爲某所管轄
特命請齊三位龍兄同往添籌恭獻吾皇萬年之
壽卽請同行夜叉下持籌四枝上行介臣等伏
曉行序蜃市蠓街捲千層銀浪已過水晶城外誇瑰異
更有寶藏儲財無涯碧樹珊瑚凍際渺渺扶桑爲界何
在錦霞中遠望海屋奇哉王母二女又上輪奐開
場上高設海屋中貯金瓶瓶內有籌眾好一座海屋
也不知創造何年乞龍王指示其詳孤單外棟

中召入雙調好事近四龍王合唱元氣構樓臺叶祥符兩儀清泰
真自然楹檻虹梁星爛雲階靈槎到處依一片河源遙
分派九成邊最近三台四注畔高標左海

四龍王合我等就此添籌遙祝聖壽者東浩蕩恩

波徹海壖西九如三祝頌連駢南皇家寶祚無疆

算北海上仙籌不記年添籌介各三跪九叩頭个萬

歲萬歲萬萬歲起指海屋眾合唱

千秋歲鏤金牌勝似凌雲槩書壽字迴文篆堪愛壽域

遙開壽域遙開看福曜照臨齊天之大觥籌送更籌再

總不比籌添無礙扑舞弧南拜願江山共老億兆同偕

四龍王自分付整肅回宮眾合唱

樊榭山房集迎鑿新曲次委

七

尾聲漾淼歸墟聖德諧聽謳歌應被他鳥夷荒外訝

千度蟠桃一度纜

第四折

生扮水仙王領四季催花使者上馭文乘輿爰壽

中呂粉蝶兒鞏固皇圖真乃是鞏固皇圖散穠春

都做了人間雨露徧乾坤萬象敷腴問閭行慶賞只

聽得笑歌無數捧紅雲喜降西湖剛逢著惠風初布

烟波管領三千頃花月平分十二橋某乃湖山神水

仙王是也菊薦寒泉只許逋仙配食蘭羞淨饌也消

衰尹陳詞多年久冷香烟盛世新崇廟食兼掌著

司花權柄又纔臨鬪草時光無以舒聖主駐蹕宸

衷惟有盡臣子當時本職四季催花使者過來四花使有生你可喚到十三月花神命他各顯神通趨取百花齊放恭候駕臨不可有誤四花使得令下生石榴花生俺只向冷泉亭煨熨的土膏蘇白雲峰醞釀的草心鋪一陣陣熏梅染柳日映風扶把冰紋兒拆玉雪點兒融珠閒著這浙零零的香雨兒潤的葳蕤吐怯尖尖嫩春寒句住把我這錦雲鄉緊倩的東君護休待要羯鼓喚花奴

四季催花使者領十三月花神上

天眷呈

鬪鶻鶻合嬌滴滴的粉杏籠烟澹澹豔豔的紅荷銷暑遠芬芳的月桂凌雲清冷冷的山茶照塢抵多少畫院徐

樊樹山房集

迎鑿新曲次

八

黃沒骨圖咱們管了這花呵不用他鬧叢叢錦障酥盤全倚著一準準的祥風甘雨

眾花神參見生你們著意開花得邀天眷是好僥倖也

撲燈蛾犯合暖溶溶龍口繞宮渠碧悠悠春波錦塘路顛巍巍翠峰遮翠幌吹裊裊楊柳樓心暮聲細細的簫韶鐘呂拍浮浮水檻外鷗鳧霽靄靄中和節屆豔穠穠待換花師試手共花姑

眾花神下生花神此去必定爭香鬪色占盡天工生成錦繡湖山簇就升平世界也呵

上小樓笑吟吟分了萼影離離拆了跌真乃是按著花

經護著花鈴執著花符大古來畫檻移春綠房迎曉玉
盤承露不用著建青幡也惱阿醋

〔眾花神各持本月花上〕寶砌春長歡月地 御袍香

重慶花天啟上尊神百花齊放哩〔生〕隨我向 行宮

去〔行介〕你們將花暢舞一回好向 御前獻上叩謝

天恩俾爾等句萌咸若各遂其性也〔眾舞花介〕

〔曼字犯〕啣嫋嫋鸞回鳳翥颯颯紅翻翠舉翩翩的雨曼

殊傲傲的搖寶珠綏綏冉冉逐隊兒飛絮燦燦披天衣

六銖一箇箇待袞徧翟毬去去來來吸花絲萬縷拜拜

拜 天顏博一笑九域盡熙愉

〔舞花擺作〕天子萬年字介〔眾三跪九叩介〕萬歲萬

歲萬萬歲

九

〔尾聲駐〕時巡乘

春豫有神女三漿捧玉壺只把這

無數花鬚從今將 聖壽數

錢塘縣貢士臣厲鶚恭填

〔天恩〕

〔重慶〕

〔恩〕

〔迎〕

〔盤承露〕

〔經護〕

〔曼字犯〕

是曲手稿向藏余家振綺堂首套曰羣仙祝
壽吳甌亭太學撰厲樊榭徵君參定次套曰百靈效瑞
厲樊榭徵君撰吳甌亭太學參定咸豐辛酉粵匪再陷
杭城手彙遂亡客歲余讐校徵君古文詩詞彙爲全集
丁松生大令丙郵寄是曲舊本屬附栞于集外詩詞之
後舛誤頗多經諸遲鞠大令可寶參互而考訂之爰跋
數語以識顛末光緒十一年乙酉冬錢塘汪曾唯
漢軍嘯吾司馬宗山答松生曰迎

鑿新曲讀之神遊紅筆校閱甚精是三折肱于此道者
正趁分明毫無舛誤曲牌亦無錯訛第二曲水仙子一
調尙少八句尋繹文義斷非漏寫前輩通融處只宜仍

樊榭山房集 迎鑿新曲跋

十一

之有兩處小誤粘簽請酌樣本甚工可卽上板刊成希
賜兩本爲幸迨刷印成書而嘯吾已歸道山惜乎未獲
請益焉戊子秋曾唯又識

漢軍嘯吾司馬宗山答松生曰迎
鑿新曲跋
樊榭山房集 迎鑿新曲跋
丁松生大令丙郵寄是曲舊本屬附栞于集外詩詞之
後舛誤頗多經諸遲鞠大令可寶參互而考訂之爰跋
數語以識顛末光緒十一年乙酉冬錢塘汪曾唯
漢軍嘯吾司馬宗山答松生曰迎
鑿新曲讀之神遊紅筆校閱甚精是三折肱于此道者
正趁分明毫無舛誤曲牌亦無錯訛第二曲水仙子一
調尙少八句尋繹文義斷非漏寫前輩通融處只宜仍
之有兩處小誤粘簽請酌樣本甚工可卽上板刊成希
賜兩本爲幸迨刷印成書而嘯吾已歸道山惜乎未獲
請益焉戊子秋曾唯又識

跋曲手稿向藏余家振綺堂首套曰羣仙祝

